



წელაწადი

საბოლიტიკო და სალიტერატურო ყოველკვირეული გაზეთი

ქუთათბეცა

№ 28

კვირა, 9 ნოემბერი 1903 წ.

№ 28

**გაზეთის ფასი:** ერთი წლით ტფილისში 7 მანეთი, ნახევარი წლით—3 მან. და 50 კაპ.; ტფილისს გარეთ ერთი წლით 8 მანეთი, ნახევარი წლით—4 მან., სამი თვით—2 მან., თითო ნომერი 15 კაპ.

ხელის მოწერა მიიღება: ტფილისში—«წერა-კითხვის გამავრცელებელ საზოგადოების» კანცელარიაში და თვით «კვალის» რედაქციაში. ფოსტის ადრესი: Тифлисъ, редакція газеты «КВА.П».

**შინაარსი:** „კვალი“ და მისი დღევანდელი მნიშვნელობა, ყვირილელისა.—შინაური მიმოხილვა.—ნეკროლოგი.—მთავრების განკარგულება.—სხვადასხვა ამბები.—რუსეთი.—უცხოეთის ამბები.—ძიძა, მოთხრობა, ნინო ნაკაშიძისა.—\* \* \* ლექსი დ. თომაშვილისა.—ნაწყვეტები პოლიტიკური ეკონომიიდან, ა. წულუკიძისა.—ჩვენებური უკუღმართობა, მ. მარიაძისა.—განცხადებანი.

### ხელის მომწერთა საპურადღებოთ.

„კვალი“ დღეიდან კვლავ გამოდის და სრული იმედი გვაქვს, რომ მისი გამოცემა აწ აღარ შეფერხდება. რადგან დროებით შეჩერების გამო ამ 1903 წელს ჩვეულებრივი რიცხვი №.№-სა ვერ გამოდის, ამიტომ იმ ხელის მომწერთა დასაკმაყოფილებლათ, რომელთაც წლის ბოლომდე გამოსულ ნომრებზე მეტი ვრგებათ თვის შემოტანილ ფულში, დაკლებული რიცხვი №.№-სა 1904 წლის ნომრებით შეუსრულდებათ. ვისაც ხვედრი ფული არ შემოუტანია, ვთხოვთ დააჩქარონ ფულის შემოტანა, წინააღმდეგ შემთხვევაში ამ ერთ ნომრის შემდეგ გაზეთის გზავნა მოესპობათ. ახალ ხელის მომწერთათვის წლის დამლევამდე გაზეთი ელირება ერთ მანეთათ. რედაქცია იმყოფება რუსის ბაზარში, საეკლესიო სახლში, იქვე, სადაც ექ. ხელაძის სტამბაა.

### „კვალი“ და მისი დღევანდელი მნიშვნელობა.


ხანგრძლივ სიჩუმეს შემდეგ ჩვენმა გაზეთმა კვლავ ამოიღო დღეს ხმა და სურს განაგრძოს მკითხველთან ძველი კავშირი. და აი, მის წინ იბადება კითხვა, რომლის მკაფიოთ გარკვევა და გადაწყვეტა აუცილებელია მისთვის უპირველეს ყოველ კითხვათა. ეს კითხვა შეეხება მის საკუთარ დანიშნულებას დღევანდელ ცხოვრებაში.

პრინციპიალურათ „კვალი“ დღესაც იმავე საფუძველზე დგას, როგორც წინათ, და ეს მანამდის ასე იქნება, სანამ თვით ცხოვრებას არ შეეცვლება მისი საფუძველი. მაგრამ ცხოვრება თუ ჯერ ჯერობით ძველ საფუძველზე დგას, ეს იმას კი არ ნიშნავს, რომ ის შეჩერებულია და არ ვითარდება. ყოველ ახალ წამს რაიმე ახალი მოაქვს, მომქმედ ჯგუფთა დამოკიდებულება იცვლება, ზოგი ძლიერდება, ზოგი სუსტდება—ერთი სიტყვით, იბადება ახალი პირობები, და ამისდა მიგვართ ყველამ, ვინც საზოგადოებრივ მოძრაობაში მონაწილეობას იღებს, უნდა თავისი მოქმედება შესცვალოს და ახლათ დაბადებულ მოთხოვნილებებს შეუფეროს. ჩვენ ის გვსურს ახლა გამოვარკვიოთ, რა განსხვავებაა გუშინდელსა და დღევანდელს ჩვენს ცხოვრებაში? როგორ ემსახურებოდა თავის მთავარ მიზანს „კვალი“ წინათ და როგორ უნდა ემსახუროს დღეს?

გადახედეთ მთელი რუსეთის მწერლობას. ჩვენში და სხვაგან, ქართულ და რუსულ ლიტერატურაში, თქვენ ერთ

სურათს დაინახავთ. ყოველგან მწერლობას სძინავს და სიცოცხლის ელფერი დაკარგული აქვს. ეს თქვენთვის ახალი სანახაობა როდი იქნება. ასევე ეძინა მწერლობას ჩვენშიც და რუსეთშიაც მეოთხმოცე წლებში, მაგალითად. მაგრამ აი რა არის ამ მოვლენაში ახალი. მეოთხმოცე წლებში თქვენ შეგეძლოთ გეთქვათ: ლიტერატურა ცხოვრების სარკვა, ცხოვრებას სძინავს და მამ მწერლობას რა გამოაღვიძებსო. დღეს კი ამას ვერ იტყვით. ვერ იტყვით, რადგან თქვენ თვალ წინ ცხოვრება დღესაც და მისი ძარღვი მძლავრათ მუშაობს. შიგ, ამ ცხოვრების სიღრმეში იბადება ახალი აზრები, ფესვს იდგამს ახალი მისწრაფებანი. და ეს ცხოვრების მოძრაობა, გამოფხიზლება არავისთვის ფარული არ არის, არავისთვის—საიდუმლოებით მოცული. ასეთ ცხოვრებას მძინარე კი არა, მქეჩავი ლიტერატურა შეეფერება, რომელმაც ცხოვრების ხმაურობა თავის ფურცლებზე უნდა გადაიტანოს.

დიახ, ლიტერატურა დღეს აღარ არის ცხოვრების სარკვე და იმდენათ ჩამორჩა მას, რამდენათაც არასოდეს არ ჩამორჩენია. ეს ასე არის ჩვენში და მთელ რუსეთში. ამ მოვლენას ჩვენშიაც და რუსეთშიაც ერთი მიზეზი აქვს. გვეტყვიან, ეს თვით მწერლობის ბრალიაო. თუ წინათ, საზოგადოების გამოაღვიძების დროს, მესამოცე წლებში, მაგალითად, რუსეთის ლიტერატურამ შესძლო ამ გამოაღვიძების გამოხატვა და ისეთ ძლიერი ენით დაიწყო ლაპარაკი, ისეთი ქაბუკური გატაცებით გამოიჩინა, რომ მთელი მაშინდელი საზოგადოების აზრი „სოვრემენიკს“ ჰყავდა დამორჩილი რატომ დღეს?



ვანდელ პრესას არ აქვს იგივე ძალაო. „გარეგანი“ პირობებები ლიტერატურისთვის შესაძინევით როდი შეცვლილა, მაშასადამე შინაგან სიუძღურით უნდა აიხსნას ეს მისი მიუყრებოა. ალბათ ახალი თაობა ვერ იჩენს ნიქს და მომზადებას ცხოვრების შესაფერ ლიტერატურის შესაქმნელათო.

არა მკითხველო, ამით ვერ ავხსნით ჩვენ ამ მოვლენას. რუსეთის დღევანდელ თაობას ნიქიტა აქვს და გატაცებაც, და ლიტერატურის დაქვეითება სხვა, უფრო ღრმა მიზეზებით აიხსნება. მართალია, დღეს ლიტერატურა დაახლოვებით იმნაირსავე გარეგან პირობებშია, როგორშიაც მესამოცე წლებში იმყოფებოდა. მაგრამ ცხოვრება დღეს ბევრათ წინ არის მაშინდელზე. იმ დროს თუ ცხოვრება ერთი ნაბიჯით წინ იდგა ლიტერატურაზე და ამნაირათ ლიტერატურა სავსებით თუ ვერ ხატავდა, ბანს მაინც აძლევდა მას, დღეს ლიტერატურა იმავ ადგილზე არის დამაგრებული, ცხოვრება კი ჩქარის ნაბიჯით წინ მიდის და ყოველ დღე ჰზადებს ახალ კითხვებს, ახალ მოთხოვნილებებს. განა შეიძლება ასეთ პირობებში შერჩეს მწერლობას იგივე ცხოვრების ელფერი, იგივე ძალა და გატაცება? განა შეაღვეს ასეთ პირობებში ახალ თაობა ლიტერატურას თავის ძალ-ღონეს? მისი სურვილი ის არის, ცხოვრებას დაუახლოვოს, მას ემსახუროს, და თუ ლიტერატურით ეს არ შეიძლება, ის სხვა გზას მონახავს...

ასეთი დიდი მანძილი ცხოვრებასა და ლიტერატურას შუა არ ყოფილა არა თუ მესამოცე წლებში, არამედ იმ ახლო წარსულშიაც, როდესაც დღევანდელი თაობა გამოდიოდა ცხოვრების ასპარეზზე. გაიხსენეთ ის დრო. საზოგადოებრივი ცხოვრება მე-80 წლების რეაქციის შემდეგ კვლავ ამოძრავდა; ის ძალა, რომელიც შეუმჩნევლათ იზრდებოდა ახალ ეკონომიურ წყობილების სიღრმეში, შეინძრა და თავის ადგილი მოითხოვა ისტორიულ მსვლელოში. და აი, მაშინ რუსეთის ლიტერატურა ამ ძალას უკაფავდა გზას, მისი პირველი შერცხალი იყო, რომელიც აუწყებდა ქვეყანას, მოდის ძლევამოსილი რაზმიო. წინანდელი უტოპიური პროგრესისტობა, რომელიც ცხოვრების მსვლელობის უარყოფაზე იყო დამყარებული, რომელიც ამ მსვლელობას თავის სურვილებს და იდეალებს უპირდაპირებდა—უარჰყო ახალ თაობამ და სამაგიეროთ თავისი დროში გაშალა. ახალ თაობა ამბობდა: შეხედეთ ცხოვრებას, იცანით მისი მსვლელობა და მაშინ მონახავთ სახემძღვანელო აზრსაც და რეალურ ნიადაგსაცო. გაიგეთ, რომ სწორეთ თქვენგან უარყოფილმა ცხოვრებამ შექმნა ისეთი ძალა, რომელიც თვით ამ ცხოვრებას დაარღვევს და სხვა საფუძველზე დაამყარებსო. შეისწავლეთ ეს ძალა, ემსახურეთ ამ ძალასო,—აი რა ეწერა მაშინ მოწინავე ლიტერატურის დროშას რუსეთში. გაიხსენეთ მაშინდელი ლიტერატურა. განა არა ჩნდა, რომ შიგ ჩქეფავს ცხოვრების ნაკადული? განა ცოტა ენერგია, ცოტა ნიქი და გაბედულება შეიტანა ახალმა თაობამ მაშინდელ ლიტერატურაში? განა ცოტა ძალა გამოიჩინა მან უტოპიასთან ბრძოლაში?

დრო მიდიოდა, ცხოვრება ვითარდება. ის აზროვნობა, რომელსაც ახალი თაობა არგუმენტებით ებრძოდა, ცხოვრებამ თავის მსვლელობით უარჰყო. და ის ძალა კი, რომელსაც ეს თაობა გზას უკაფავდა, თვით ჩაერია ცხოვრების ბრძოლაში, თვით ამეტყველდა და თვით მიიქცია თავისკენ საერთო ყურადღება. ვისაც სურდა მისი სამსახური, ის ახლა მასთან უნდა ყოფილიყო, მის ქირ-ვარამზე, მის მოთხოვნილებაზე უნდა ელაპარაკნა, ისე მკაფიოთ და გარკვეულათ, როგორც ამას ბრძოლაში ჩარეული „ძალა“ ითხოვდა. ეს ვერ შესძლო ლიტერატურამ, და ახალთაობის საუკეთესო ნაწილმა სხვაგან ვადი-... თავრტი თავის ძალ-ღონე.

ჩვენს ცხოვრებაშიაც მეოთხმოცდაათე წლებში იგივე ნახევარში დაახლოვებით იმნაირივე პირობები არსებობდა. და ლიტერატურასაც იგივე გზა ედვა წინ. მკედილ მსაზროვნება, ჩვენს საზოგადოებაში გამეფებული, უნდა აღმოვეყრებოდა, რადგან ძველი ცხოვრება ირღვეოდა. ახალმა ეკონომიურმა ურთიერთობამ ჩვენშიაც შექმნა ის სოციალური კლასები, რომლებიც ევროპის ცხოვრებას ამოძრავებენ, და აი, ამ კლასთა ინტერესების წინააღმდეგობის პრინციპით უნდა განათებულიყო მთელი ჩვენი ცხოვრება. ეს პრინციპი იყო ახალი, ჯერ ჩვენში არ გაგონილი პრინციპი, და მისი ქადაგება უნდა აელო მიზნათ მოწინავე მწერლობას. და აი, ეს იტვირთა „კვალმა“. ის ეუბნებოდა საზოგადოებას, ცხოვრების მაჯის ცემა კლასთა ბრძოლაში იხატებაო, და ამ საერთო ბრძოლაში, საერთო შეჯახებაში ერთათ ერთი მუშათა კლასია მუდამ პროგრესიული, მუდამ უმრავლესობის ინტერესებისათვის მებრძოლიო. ეს კლასი ახალმა ცხოვრებამ დაბადა ჩვენში, მაშ შეეუწყოთ ხელი ახალ ცხოვრებას და ამ კლასის გაძლიერებას, შეგნებულ რაზმთ გადაქცევასო. და რადგან ყველა, ვისაც ძველი აზროვნობა ძვალსა და რბილში გამჯდარი ჰქონდა, შეებრძოლა ამ ახალ პრინციპს, „კვალს“ უნდა დაეცა მათი ავტორიტეტი, უნდა დაეცა მათი გავლენა ხალხზე და საზოგადოებაზე. ეს იყო „კვალის“ მთავარი დანიშნულება—განმტყიცება ახალ მოძღვრების, თვით ცხოვრების მსვლელობაზე დამყარებულის, რ უარყოფა ძველის, ძველი ცხოვრებით შექმნილ აზროვნების. და რადგან ამ საქმეში „კვალს“ ძლიერი მოკავშირე ჰყავდა—თვით სინამდვილე, თვით ისტორიული განვითარება,—მაშ შესაძლებელია თავისი დანიშნულება და შეიტანა საზოგადოებაში ახალი აზრი.

ის, რასაც მაშინ გზის გაკაფვა სჭირდებოდა, დღეს ყველასათვის ცხადი გახდა. დღეს ვინ უარყოფს ახალ ეკონომიურ წყობილების დამკვიდრებას ჩვენში? ან კლასთა არსებობას, მათ ინტერესთა წინააღმდეგობას? ყველაფერი ეს დღეს ფაქტია აშკარათ დასანახავი, რომელსაც ხელს ვერავინ დააფარებს. მაგრამ სწორეთ იმიტომ, რომ ცხოვრებას გარკვეული ხასიათი დაედო და ბრძოლა გამწვავდა, საჭირო გახდა მოწინავე ლიტერატურისათვის კილოს შეცვლა. დღეს მისი მთავარი ძალა იმ პრაქტიკულ კითხვების ახსნას უნდა მოხმარდეს, რომელიც კლასთა შეხლა-შეჯახებაში იბადება. მან უნდა ახსნას გარკვეულათ, ყველასთვის გასაგებათ მოწინავე კლასის კონკრეტული მოთხოვნილებანი. უნდა ეცადოს, გააძლიეროს ამ კლასში მოქმედების წყურვილი, ნათლათ დაანახოს მახლობელი და შორეული მიზანი, გაამხნევოს ის და მოუპოვოს მას მომხრეები. ლიტერატურამ ამისათვის უნდა ისარგებლოს ყოველ შემთხვევით, რომელსაც კი სინამდვილე იძლევა და თავისუფლათ შეეხოს ყოველ ფაქტს, ცხოვრების გამწვავებით გამოწვეულს. ყველაფერი ეს მან სინათლეზე უნდა გამოიტანოს და ამ მოვლენებს პრინციპის შუქი უნდა მიაფინოს. ცხოვრება ითხოვს, ერთი სიტყვით, რომ მოწინავე ლიტერატურა მოწინავე კლასს მის პრაქტიკულ მოქმედებაში იდეიურ ხელმძღვანელობას უწევდევს. დღევანდელი ლიტერატურა ამას ვერ ასრულებს, და ცხოვრება უმისოთ აკმაყოფილებს ამ თავის მთავარ მოთხოვნილებას.

რ მკითხველს ეს მუდან უნდა ახსოვდეს. წინააღმდეგ შემთხვევაში „კვალის“ არსებობა სარგებლობას კი არა, ენებას მოუტანს იმ საქმეს, რომლის სამსახური სურს. „კვალი“ დღევანდელ ცხოვრების ყველა პრაქტიკულ კითხვებს, რასაკვირველია, ვერ წამოაყენებს და ვერ გადაწყვეტს თავის ფურცლებზე, ვერ შეეხება პერ მნიშვნელოვან მოვლენებს ისე, როგორც უნდა შეეხოს.

მაგრამ იმ ფარგალშია კი, რომელშიც მომწყვდეულია დღეს „კვალი“, მას შეუძლია ცხოვრების წინსვლელობას ხელი შეუწყოს. მას შეუძლია მიაწოდოს ხალხს წყნება, ურომლისოთაც თვითნებური მასში ვერ განვითარდება. ისტორიულ და ეკონომიურ კითხვათა გამორკვევა, ხალხისთვის მის მდგომარეობის შესაგნებათ მასალის მიწოდება,—აი რასაგანს მიაქცევს „კვალი“ თავის მთავარ ყურადღებას. მეორე მხრით, „კვალი“, რასაკვირველია, ეცდება, რამდენათაც შესაძლებელი იქნება, თანამედროვე ცხოვრების მიმდინარეობაც აღნიშნოს და შეეხოს საზოგადოებრივ ხასიათის ფაქტებს და მოვლენებს. აქ მან, როგორც ნათქვამი გვექონდა, შეიძლება ბევრი რამე ვერ განიხილოს, მაგრამ ყოველთვის, როდესაც კი ხმას ამოიღებს, თავის მსჯელობის ერთათ ერთ საფუძვლათ ის შრომის ინტერესებს იქონიებს, და მკითხველის აზროვნება, შეჩვეული მოვლენათა ამგვარ მასშტაბით გაზომვას და დაფასებას, სხვა, უფრო მწვავე მოვლენებშიც გაატარებს იმავე დედა-აზრს... კიდევ ერთი რამ უნდა შეასრულოს „კვალი“. ის უნდა წინ აღუდგეს მშრომელ ხალხის მოპირდაპირე ჯგუფთა წარმომადგენლებს, მათ ქადაგებას ლიტერატურაში. დღესაც ხშირათ „საერთო“ ინტერესების სახით გამოაქვთ ბევრი რამ ისეთი, რაც უმრავლესობის ინტერესებს ძირიანათ ეწინააღმდეგება, და აი, ამ ქადაგების ნამდვილი შინაარსი უნდა გამოამჟღავნოს „კვალი“.

ყველაფერს ამას, „კვალი“, რასაკვირველია, წინათაც ასრულებდა. მაგრამ მაშინ მის მოღვაწეობის მთავარი აზრი ის იყო, რომ საზოგადოებისთვის ცხოვრების ახალი მიმართულება ეჩვენებია, და ახალ ისტორიულ ძალაზე მიეთითებია. ახლა ეს გამორკვეულია, და ჩვენ უმთავრესათ ბრძოლაში ჩარეულ ხალხის მოთხოვნილებათა დაკმაყოფილებას უნდა ვცდილობდეთ. და, როგორც ვთქვით, ამ თავის დანიშნულების საფასურით შესრულება „კვალს“ არ ძალუძს დღევანდელ პირობებში. პრაქტიკულ მოქმედების იდეური ხელმძღვანელობა მან სხვას უნდა დაუთმოს და თვითონ უფრო ვიწრო ფარგალში იმოქმედოს. მან უნდა უმთავრესი თავის ძალდონე ცოდნის პროპაგანდას მოახმაროს, დღევანდელ პირობებში კი ამ პროპაგანდასთან ერთათ თვით ცნობიერების პროპაგანდას საჭირო, და ამ უკანასკნელს „კვალი“ ვერ დაამყარებს ცხოვრების მთავარ მოვლენათა გარჩევა-დაფასებაზე.

ამნაირათ, წინათ „კვალი“ უკეთ აკმაყოფილებდა მაშინდელ ცხოვრების მოთხოვნილებებს, ვიდრე დღეს დღევანდელ ცხოვრების მოთხოვნილებებს დააკმაყოფილებს, და ეს იმიტომ, რომ ცხოვრებამ გაასწრო ლიტერატურას და ისეთი ჩქარი ნაბიჯით წავიდა წინ, როგორც არასოდეს წინათ არ უვლია. მაშ გაუმარჯოს, მკითხველო, იმ ცხოვრებას, რომელმაც ჩვენს „კვალს“ ასე გაასწრო; გაუმარჯოს იმ ძალას, რომელმაც ასე წასწია წინ ცხოვრება!

მაგრამ იმ საქმის გაკეთებაც, რომელიც „კვალს“ წინ უდევს, აუცილებლათ საჭიროა, თავის ვიწრო ფარგალშიც „კვალი“ ცხოვრების წინ სვლას ემსახურება, და თუ თავის დანიშნულება მან რიგიანათ შეასრულა,—მაშინ „კვალსაც“ ვუსურვოთ გამარჯვება, ჩემო მკითხველო.

ყვირილელი.

### შინაური მიმოხილვა

დიდი ხანი არ არის, რაც ქალაქმა ვახსნა ხორცის დუქანი და შეუდგა ვაჭრობას. სულ ერთი წელიც ძლივსაა, მაგრამ ამ ხნის განმავლობაშია ცამოაშკარავდა და გამოქვეყნდა,

შეუძლია ქალაქის თვით მართველობას გაუძღვეს და აწარმოვოს ქალაქის მეურნეობის სხვა-და-სხვა დარგები, თუ ვერა... მაგრამ მან აქ სრული უღონობა და არარაობა გამოიჩინა. ხორცის დუქანი საკმაო საბუთს იძლევა ამისას. მისი ქალაქის ხორცის დუქნის დაარსებისა იყო: კარგი, სალი და რაფი ხორცის მიწოდება მხმარებლისთვის და მით კერძო ყასბების თავგასულობის აღაგმვა, მაგრამ ქალაქის დუქანმა იმედი ვერ გაამართლა; პირიქით, ის თავის ღირსებით კერძო საყასბოსაც უკან ჩამორჩა. ხორცი ამ ბოლო დროს ქალაქის დუქანში უფრო ძვირათ იყიდება, ვიდრე კერძო საყასბოებში; ღირსებით ქალაქის დუქანში ხორცი ივივია, რაიც კერძო დუქანებში; აქაც ხშირათ ერთ ნაქერს დამშალს შემოგაპარებენ, როგორც იქ. მიუხედავათ იმისა კერძო ყასბები მდიდრდებიან, ქონებას იძენენ, ქალაქმა კი მოგების ნაცვლათ 31 ათასი მანეთი ზარალი ნახა. ამდენი ზარალი ვის მოსწრებია და ვის გაუგონია? რაში ნახა ეს ზარალი; საკლავი დაკლა და ვერ გაასალა? საკლავს ძვირათ ჰყიდულობდა? დუქანი ძვირათ იქირავა? მოსამსახურეებს ბევრს აძლევდა, თუ რა ამბავია? არც ერთი ამ მიზეზთაგანი საპატიოთ არ ჩაითვლება. პირიქით, საზოგადოების სრული სიმპატია ქალაქის დუქნებისაკენ იყო მიპყრობილი, ყველა „საზოგადო დუქანს“ გაიძახოდა, ყველა იქითკენ მიეშურებოდა. მაშ რა მიზეზია ამდენი ზარალი? მიზეზი ადვილი ასახსნელია, მიზეზი „რა მენადვლება“. მართლა და რა ენადვლებათ ქალაქის მამებს ზარალი უჩვენონ საზოგადოებას. ზარალიც და მოგებაც—ეს მათ მოქმედაზეა დამოკიდებული, და რადგანაც მათი სურვილი ყოველთვის თავის საკუთარ კეთილ დღეობისაკენ არის გადახრილი, ამისთვის ისინიც თავის სარგებლობის მიხედვით მოღვაწეობენ. ქალაქის ბედ-იღბალი მუქა პლუტოკრატების ჯგუფს აქვს ხელში ჩაგდებული. ქალაქის მცხოვრებთა დიდი უმრავლესობა ვადასახადებს თუ იხდის, თორემ ქალაქის მართვა-გამგეობაში მონაწილეობას არ ღებულობს. ცენზის სიდიდე მას ნებას არ აძლევს თავის თავის გამგე-პატრონი თითონ გახდეს. მან მხოლოთ უნდა ქალაქს სიმდიდრე მატოს და მატოს, ქალაქის კასა გაავსოს, დახარჯვას მას არავინ კითხავს, როგორც უნდა ისე დახარჯავენ. თავის თავს თითონ ირჩევენ და პასუხის მგებელიც თავის თავის წინაშე არიან და არა იმის, რომლის ოფლით და სისხლით შექმნილა ამოდენა სიმდიდრე.

ხორცის დუქანმა ამდენი იზარალა ქალაქის მამების შეწვევით; სჩანს თფილისს არ შესძლებია თითონ გაუძღვეს თავის მეურნეობას—მის ხელში იყოს ქალაქის განათება, აბანო, თეატრი, თავშესაფარი, წყალი პურის ცხობა და სხვ. ის ყველგან იზარალებს, მაშინ, როცა ყველაფერი ეს მუნციპალიტეტების ხელშია დასავლეთ ევროპაში. იქ კიდევ უძღვებიან საქმეს და კიდევაც მოსაგები აქვთ. ეს იმისთვის რომ იქ ქალაქის თვითმართველობებში ღარიბი კლასიც ღებულობს მონაწილეობას, მთელი ქალაქის საქმეები მოქალაქეთა უმრავლესობაზეა დამოკიდებული. იქ პასუხი უნდა აგო არა შენი თავის, არამედ საზოგადოების, უმრავლესობის წინაშე და ვაი შენ ბრალი, ერთი შაურიც რა არის, თუ გაგიფლანგავს. და ეს ზარალი, ეს „რამენადვლება“ ჩვენებური ქალაქის თვით მართველობებში მანამდი იქნება, სანამ ძირიან-ფესვიანათ არ შეიცვლება თითონ ქალაქის დებულება, რომელიც უსპობს ღარიბ კლასს ქალაქის მართვა-გამგეობას წინ გაუძღვეს და უმთავრესი კონტროლი მისგან მომდინარეობდეს.

\* \*

თუ რა გვარ საცოდავ მდგომარეობაში დაფავს სულს დღევანდელი ჩვენი ქალაქის თვით-მართველობები, ამის მაგალითს ბათუმი წარმოადგენს. ბათუმის ქალაქის გამგეობას იმის უფ-

ლებაც კი არ ჰქონია, რაიც თვითვე მოქალაქეს აქვს მინიჭებული რუსეთში—მოიწვიოს რომელი ექიმიც უნდა. გამგობამ ახალი ბეთალი ამოიჩინა ძველის ნაცვლათ და გუბერნატორს წარუდგინა დასამტკიცებლათ, მაგრამ გუბერნატორმა არ ინება მისი დამტკიცება...

ბათობი თუ სკოცხლობს და სული უდგია, ისევ ნავთის ქარხნებით. ქარხნებს ხომ მუშებით უდგია სული. და რას აკეთებს ქალაქის გამგეობა მათთვის? იმას რომ მუშათა საცხოვრებელი რაიონები—ბარცხანა და გოროდაკი—აუტანელ მდგომარეობაში იმყოფება, აქ არც გზებია ხეირიანი, არც განათება. აბა რიგიან საცხოვრებელ სახლებს ვინდა ჩივა! უბრალო ღია წერილის ყიდვა რომ დასჭირდეს, ექვსი ვერსი გზა უნდა გაიაროს მუშამ: არც ფოსტა, არც ტელეგრაფი მახლობლათ. საჭიროა ყველა ამას ქალაქმა მიაქციოს ყურადღება. თუ იმას იტყვის გამგეობა, რომ ბარცხანა და გოროდაკი—ქალაქს არ ეკუთვნის და რისთვის უნდა ვიზრუნოთო, შევძლო მას ეს სამრეწველო და სამოსახლო რაიონები ბათობზე მიეწერა. მაგრამ ეს ხომ ხარჯებს მოითხოვდა და მდიდართა გასართობი კურხალი ხომ აუგებელი დარჩებოდა. ასეა: ღარიბ კლასს აუცილებელი მოთხოვნილებანი ვერ დაუკმაყოფილებია უსახსრობის გამო მაშინ, როცა მდიდარმა არ იცის რაში დახარჯოს თავის სიმდიდრე.

\* \*

ჩვენ ქართულ თეატრზე შეიძლება ორი ღერი სიტყვა ეთქვა კაცს, მაგრამ რა: თუ დაიწუნე და აძაგე წარმოდგენები—„ბავშვის ტიტინს ყურადღებას ნუ მივაქცევთო“, იტყვიან, არა და ბრახით გვესება გული დღევანდელ გამგეობის უმოქმედობის გამო. მაგრამ გამგეობა იმდენათ არ არის დასაძრახისი, რამდენათ თითონ დრამატიული საზოგადოება, რომელიც ირჩევს გამგეობის წევრებს და აბარებს მათ თეატრის ბედ-იღბალს. ჩვენი ქართველი საზოგადოება სხვა-და-სხვა ჯგუფებისაგან შესდგება, რომლებიც სხვა-და-სხვა ნაირათ აზროვნობენ, სხვა-და-სხვა გვარათ ფიქრობენ, და ეს აზრთა სხვა-და-სხვაობა იწვევს ან დაწუნებას, ან ძაგებას დღევანდელ ჩვენი რეპერტუარისას. ერთ ჯგუფს ქართულს გარდა არაფერი არა სწამს, ყველაფერს ქართულს ის შესტრფის, მას უნდა თეატრი თავის გემოზე მოაწყოს და დაინახოს იქ ის, რის დანახვაც მას სიამოვნებას მოგვრის და „ოხ მშვენიერო წარსულოო!“ ამოიოხრებს. ის წარსულით [ცხოვრობს, იმით ნუგეშობს, იმის მოახლოებას ცდილობს, ის ამით ვითომდა პატრიოტობს და უნდა თეატრიც გაპატრიოტოს. მეორე ჯგუფს სწამს, რომ სცენა, თეატრი რომელიმე ერის კუთვნილება არ არის, ის მთელი კაცობრიობის ქუა-გონების ნაყოფია. როგორც არ არსებობს ქართული, რუსული, ფრანგული, ნემეცური მეცნიერება, ისე არც ქართული თეატრი უნდა არსებობდეს, არც რუსული და ფრანგული, მაგრამ ქართველ პატრიოტებს... ისინი ქართველებია და ყველაფერი ქართული უნდათ.

\* \*

არ არს თეატრი გარდა ქართულისა და ისტორიულ პიესებია მისი გამოშხატველიაო,—გაჭკვიან პატრიოტები. დრამატიულ საზოგადოების უმრავლესობა პირველი ჯგუფისაგან შესდგება, რომელიც ირჩევს ისეთ გამგეობას, რომელიც საზოგადოების სულიერს და ესტეტიურ მოთხოვნილებას საესებით დააკმაყოფილებს. და გამგეობაც არდგენს ისეთ რეპერტუარს, რომელიც მისი ამომრჩეველთა მოთხოვნილებებს აკმაყოფილებს. მაგრამ საბედნიეროთ ქართული დრამატიული საზოგადოება მთელს ქართველობას არ წარმოადგენს. არის ნაწილი და ძალიან დიდი ნაწილი, რომელსაც ვერ აკმაყოფილებს ვერც გაცვეთილი პატრიოტიზმი, ვერც „სამშობლოს“

და ქართული ენის ყვირილი. მისი იდეალი საკაცობრიო იდეალია, ის ამ იდეალით სკოცხლობს, ამით საზრდოობს, ამით იმედოვნებს. აწმყო მას გველივით ეზიზღება წარსული პირივით ეჯავრება. ის იტკირება ბრწყინვალე მომავლისათვის და ცდილობს იმისათვის ყოველგვარი უკანონობა და ძალმომრეობა, სადაც დაზავებას და გაყვლევას ადგილი არ ექნება. და თეატრშიაც უნდა მას ყველაფერი ეს დაინახოს. წინააღმდეგ შემთხვევაში ის პირველათ დაესწრება თქვენ წარმოდგენებს, მაგრამ როცა დაინახავს „მით არაფერი ყრია“, უკან გაბზრუნდება და დაცინვით იტყვის: მასწრობააა. და არც იქნება ის ამაში დანაშაული.


\* \*

გურიაში წელს დიდი მოუსაველობაა: სიმინდი ძალიან ნაკლებია და ღვინო ხომ სულ არა. ძველ სიმინდს პეპელა გაუჩნდა და ლამის სათესლეც გააწყვოს. პეპელა სიმინდის მარცვალში ჩნდება ჯერ ქიათ, რასაკვირველია, და მერე ფრთებს ისხამს და ჰაიდა, მიფრინავს. გურულები იკვებებიან ამ პეპელიანი ქადით. მავნებელია ჯანმრთელობისათვის, თუ არა, ჩვენი სამეურნეო საზოგადოება თავსაც არ იწუნებს თურმე. აგრონომებმაც წაიყურისძირეს და თითსაც არ ანძრევენ. რისთვის არ შეგებძოლება საზოგადოება ამ საშიშარ სტიქიონს, რომელიც ამდენს ხარალს აძლევს სოფლის მეურნეს. იქნება იმისთვის, რომ ყველაფერი ეს „წყველ გურიაში“ ხდება და სერს უყურებენ? არ ვიცი რა მიზეზია, ხოლო ის კი ვიცი და მახსოვს, თუ როგორ დადიოდნენ გურიაში ინსტრუქტორები ფილოქსერის მოასპობლათ. ხოლო დღეს, როცა ხალხის უპირველეს სარჩოს—სიმინდს—გაუჩნდა ქირი, მათი ჰაქანიც არსადა.

ერთი ოჯახის კაცი იწერება ბასილეთიდან: „ნამეტარ გლახა მდგომარეობაში ვართ ამ ბოლო დროს სოფლებები ჩავარდნილი. მოთხოვნილება და ხარჯები მუდამ დღე იზრდება, შემოსავალი კი მუდამ დღე კლებულობს. ჩვენ არაყის ხდა ვიცოდით ქაქიდან. წინეთ აქციზი დიდი იყო, მარა შრომის ფასი მაინც გვჩებოდა. დღეს კი აქციზი გააღიდეს, ასე რომ, ჩვენი შრომაც რომ არ ვიანგარიშოთ, სხვა ხარჯებსაც არ ფარავს. ბორჩიკი ყოველ დღე კარზე მყავს მომდგარიო: აი ღვდლისო, აი ხელმწიფისო. უკანასკნელი ტაშტი და კარდალი წაიღო. მეტის-მეტათ გამიჭირდა გაძლება. ვითამ რას მიზამენ, ქურში რომ ქაქა მაქ იმისგან არაყი გამოვხადო უპატენტოთ და მით ათასგვარი მოთხოვნილება სანახევროთ მაინც დავაკმაყოფილო, ი კარდალე და ტაშტი, მაინც დევინხნა. ვიცი დამრჯიან, მარა სხვა გზა რომ არაა?“ რა პასუხი უნდა გასცე ამ შემთხვევაში ამ წერილის მომწერს? ისევ ის რომ დავარიგოთ: ნუ გამოხდი თორემ დაგჯიანო. ეს ხომ თითონ იცის, შენ უნდა უთხრა რამე ახალი, უნდა უჩვენო გამოსასვლელი გზა და შენ კი რას ეუბნები? ოჯახიდან მიაკვთ ნოხი, ფარდაგი, თუნგი, კარდალა, სტოლი, სკამი და ყველაფერი, რასაც კი ფასი აქვს, მიაქვთ დრამის ფულის, ფოსტის ფულის ნაცვლათ. ეს მოვლენა—ხალხის ასეთი გაღატაკება—არავისთვის ხელსაყრელი არაა. საშუალება უნდა გამოინახოს რამე.

ქ ნ ე კ რ ო ლ ო ზ ი

ჩვენ სამწერლო ასპარეზზე მომუშავეთა რიცხვს მოაკლდა კიდევ ერთი მუშაკი—16 ოქტომბერს მოულოდნელათ წვეთის დაცემით გარდაიცვალა დიმიტრი ნადირაძე (მაჩხანელი). განსვენებული გამოვიდა სამწერლო ასპარეზზე 1886 წელს რ მას აქეთ მუდამ მონაწილეობდა ქართულ-ქურნალ-გაზეთებში. მაჩხანელი ეკუთვნის მწერალთა იმ ჯგუფს, რომელთაც „ტე-



ტიათა მოტრფიალე“ ეწოდება; ის შესტრფოდა სოფელს, შესტქეროდა მის დაბეჩავებულ ცხოვრებას და როგორც უტოპისტი კოლპერატიულ დაწესებულების შემოღებით ცდილობდა ხალხის ჩარჩბაცაყების ხელიდან დახსნას, გალატაკებისაგან გადარჩენას. მან კიდევაც დააარსა „დებო“ მიხხანში, მაგრამ ასეთ მა დაწესებულებამ სოფლათ ისეთი ნაყოფი ვერ მოიტანა, როგორც მას ეგონა. მის ნაწერებში სხვაზე უკეთესია „ძმური სიტყვა“. აქვს მას აგრეთვე რამდენიმე სურათები სოფლის ცხოვრებიდან, რომლებშიაც აწერილი ჰყავს სოფლის მოხელეთა ჩარჩ-ბაცაყათა და სხვ. აულაგმავეთ ნაუარღობა სოფელში და მათგან ვლენის გალატაკება. მისი გვამის დაკრძალვა მოხდა 19 ოქტომბერს.

**მთავრობის განკარგულება**

უმადლესად დაშტკიცებული 12 ივნისს 1903 წ. მიწისტრიათა კომიტეტის აზრთა შიშის შესახებ, რამ რუსეთის სიმკუხ-გრიგვარბანთა ეკკლესიას ქონება მთავრობის დაწესებულებათა გაშტკობას ჩაბარდეს და ზემოხსენებულ ეკკლესიას ამ ქონებისა და თანხების შესახებ, რომელითაც ინახებდა სიმკუხ-გრიგვარბანთა საეკკლესიო სასწავლებლებს და რომელნიც საერო განათლების სამინისტროს გამგეობაში უნდა გადაეცეს.

ხელმწიფე იმპერატორმა მინისტრთა კომიტეტის აზრის თანხმად 12 ივნისს 1903 წ. უმაღლესად ბრძანებთა ინება:

1) სომეხ-გრიგორბანთა ეკლესიის ქონება სათანადო სამინისტროთა უწყებასა და გამგეობას გადაეცეს შემდეგის განწყისების ძალით:

1) ყველა უძრავი ქონება, რომელიც ეკუთვეის სომეხ-გრიგორბანთა ეკლესიებს, მონასტერთ, სასულიერო დაწესებულებასა და სასულიერო სასწავლებლეთ, გარდა ქვემოთ ჩამოთვლილისა (მუხლი 2 შენიშენითურთ), ჩამოერთოს დამტკიცებული წესით, სომეხ-გრიგორბანთა სასულიერო წოდების და დაწესებულებათა მართველობას და გადაეცეს მიწათმოქმედებისა და სახელმწიფო ქონებათა სამინისტროს გამგეობას, ხოლო ხსენებულ დაწესებულებათა თანხები გადაეცეს შინაგან საქმეთა სამინისტროს გამგეობას; ამასთანავე დაცულ უნდა იქნას სომეხ-გრიგორბანთა ეკლესიის საკუთრების უფლება ამ ქონებისა და თანხების შესახებ.

2) მიწათ-მოქმედებისა და სახელმწიფო ქონებათა სამინისტროს გამგეობას უნდა გადაეცეს შემდეგი ქონება სომეხ-გრიგორბანთა ეკლესიისა:

ა) მიწები ნაშენი და უშენი, რა გვარისა და სახელისაც უნდა იყოს, აგრეთვე ცალკე ტყეები, საძოვარი, სათიბი და თევზის საჭერი ადგილები, წისქვილები და სხვ., არ გადაეცემის მხოლოდ ის ადგილები, რომელზედაც აგებულია ეკლესიები, მონასტრები, სალოცავები და სხვა, აგრეთვე ის ადგილები, რომელზედაც აგებულია საეპისკოპოსო სახლები და შენობანი სასულიერო დაწესებულებისა, ქალაქისა და სოფლის სამრეველო სამღვდლოებბისა და სასულიერო სასწავლებლებბისა; ადგილები ეკლესიებისა და სასაფლაოებისა გალაფანში შეზღუდულნი და დასასრულ, სამღვდლოებბის ხელთ მყოფი სამოსახლო ადგილები, რომელნიც უჭირავთ ბაღებსა, ბოსტნებს, ხნულებს და სხვა, ზომით არა უმეტეს სამიშის დესტრინისა ყოველ სამრეველო ეკლესიასთან, იმ შემთხვევაში, თუ ეს ადგილები სხვენზედ არ გადაუციათ შემოსავლის გულისთვეის, და

ბ) გადაიცემის სომეხ-გრიგორბანთა ეკლესიის, სამღვდლოების და სასულიერო დაწესებულებების სახლები და შენობები, რომელიც საჭირო არ არის თვით სამღვდლოებლათ და საოჯახოდ—და ხსენებულ მოსათავსებლათ.

შენიშენა: ეს წესი არ შეეხება პეტერბურგისა და მოსკოვის სომხის ეკლესიის უძრავ ქონებასა და თანხებს.

3) შემოხსენებულ წესებს უნდა ექვემდებარებოდეს აგრეთვე ის ქონება და თანხა, რომელსა შემდეგში შემოსწირავენ ან უანდერძებენ აღნიშნულ დაწესებულებათ.

4) შემოსავალს შემოხსენებულ ქონებიდან და თანხებს განაგებს შინაგან საქმეთა სამინისტროს უცხო რჯულთა სასულიერო საქმეთა დეპარტამენტი, რომელსაც მიწათ მოქმედებისა და სახელმწიფო ქონებათა სამინისტრომ უნდა გარდასცეს ანგარიში და შემოსავალი მის გამგეობაში მყოფ ქონებისა. ამ შემოსავლიდან გამოკლებული უნდა იყოს ყველა გარდასახადი, რომელიც გაწერილი იქნება ამ ქონებასა და ვალდებულებაზედ; აგრეთვე გამოკლებული უნდა იყოს ქვემოთ ხსენებული ხარჯი.

(შემდეგი იქნება),

სსპაქსსმა მმმმმ

შესდგა აქციონერული საზოგადოება ხე-ტყის დასამუშავებლათ ლენქორანის მაზრაში. საზოგადოებამ ავტორბიიდან ექვსასი მუშა დაიბარა. იქ, სადაც ხე-ტყის დასამუშავებას დაიწყებენ, ფიქრობენ ვიწრო ლიანდგავიან რკინის გზის გაყვანას.

ტფილისის გუბერნატორმა განკარგულება მოახდინა, რომ სამაზრო პოლიცია ახლავე, მოსავლის მოკრეფისათანავე, შეუდგეს სოფლათ სხვადასხვა გადასახადების შეკრებას, რადგან მერე ძლიერ გაძნელდება მცხოვრებთაგან ფულის აღებთ.

ამასწინად ტფილისის მაზრის უფროსმა მოსთხოვა ქალაქის გამგეობას ქალაქის მიწებზე დარჩენილი სახაზინო გარდასახადი 1612 მან. გამგეობამ პასუხი მისცა, რადგან არ ვიცოდით თუ ქალაქის რომელ მიწებზე იყო გარდასახადი დარჩილი და ხარჯთ-აღრიცხვაში არ შეგვიტანია, ამიტომ მხოლოთ მომავალ წელს შეგვიძლიან მისი ხარჯთ-აღრიცხვაში შეტანა და ხაზინასაც მაშინ წარუდგენთ ფულსო.

როგორც ანგარიშიდან სჩანს თფილისის პირველ დამის თავშესაფარში ოქტომბრის განმავლობაში ყოფილა სულ 1051 სული, ამათში 935 მამაკაცი 116 ქალი ეროვნების მიხედვით ყოფილან რუსი 404 მამაკაცი და 82 დედაკაცი, სომეხი 351 მამაკაცი, ქართველი 23 მამაკაცი და 31 დედაკაცი. თათარი 33, პოლონელი 17.

დღეს, 9 ნოემბერს მოსკოვში „კეთილშობილთა კლუბის დარბაზში“ გაიმართება ქართული „საღამო თავად სუმბათაშვილის მეთაურობით.

1 ნოემბერს ქ. ქუთაისში სამოსამართლო პალატის სესიამ განიხილა ქუთაისის პოლიცემისტერის ლისოვკის საქმე, რომელსაც თავის უფლებების გადაქარბება ბრალდებოდა. სა-

სამართლომ დამნაშავეთ იცნო ლისოვსკი და მიუსჯა ორი კვირით სამხედრო ჰაუბტვახტში დაპატიმრება.

ჩვენ მივიღეთ ორი ახალი წიგნი: 1), ქართლ-კახეთის მონასტრებისა და ეკლესიების ისტორიული საბუთები, შეკრებილი თ. ჟორდანიას მიერ, ფასი 1 მან. 2) ისტორია ქართულ გაზეთების და ჟურნალების გამოცემისა, ზ. ჭიჭინაძისა, გადმობეჭდილი აკაკის „კრებულიდან“, ფასი 20 კაპ.

### რ უ ს ე თ ი

რეფორმები ადგილობრივ მართვა-გამგეობაში.—გუბერნატორის უფლებები.—სამაზრო ერობების წარმომადგენელთა კრებები.—ცენზუს შემცირება.—ქალების საარჩევნო უფლება.

უკანასკნელი წლები ფრიად შესანიშნავი და ღირს მნიშვნელოვანი წლებია რუსეთის აღორძინების ისტორიაში. რუსეთი მობერებული, ხავს მოკიდებული და უძღური ცეცმა და უკან მიჩანჩალებს. სამაგიეროთ, რუსეთი ახალი, ძლიერი და მდგრადი მდევის ნაბიჯით მიეშურება წინ, წინ, სინათლისაკენ. პირველი თავის სიკვდილს თავის ისტორიულ მსვლელობაში თან ატარებს. მეორე კი სიკაცხლის, გამშვინიერების და განახლების წინამორბედია. და ამ გვარათ, რუსეთი რეაქციონური და ბიუროკრატიული დაუბირდაპირდა რუსეთს პროგრესიულს და ასტყდა მათ შორის ბრძოლა. ერთი იცავს არსებულს და ისტორიულათ განმტკიცებულს. ამასაც არ ჯერდება: ცდილობს ისტორიული ბორბალი უკუღმა დაატრიალოს და მოსალოდნელი განსაცდელი თავიდან აიცილოს. მეორეს კი ვერ აკმაყოფილებს ვერც აწმყო, არსებული, ზ ვერც წარსულში ხედავს ხსნას. ის მომავლისაკენ იტკირება და იქ ეძიებს ნავთსაყუდარს. და ამ მოვლენამ—ახალის და ძველის დაპირდაპირებამ—დააფიქრა საზოგადოება და შეუდგენ საშუალების გამოძებნას, თუ როგორ ეშველოს ამდენ აწეწილ-დაწეწილ საქმეებს, რომ წვადიც შეიწვას და შამფურს კი არა ევნოს-რა.

ხალხი, მშრომელი და გამრჯე ხალხი—ეს ბურჯი და ქვა-კუთხედი სახელმწიფოს ძლიერების და კეთილ-დღეობის,—მეტის-მეტ გაჭირებაში ჩავარდა. მას არ შეუძლია გადასახადები იხადოს ისე, როგორც იხდიდა წინეთ. გადიდდა ნედლომკები, იკლო ხალხის შემოსავალმა, და ამავე დროს საშინელი სისწრაფით გაძლიერდა მისი სულიერი, გონებრივი და კულტურული მოთხოვნილებანი.

მან თვალი გაახილა, შეინძრა, გაექან-გამოექანა და იცნო თავის ნამდვილი მტერ-მოყვარე. მიხვდა ვინ არის იგი, რა იყო და რა უნდა გახდეს მომავალში, მან შეიგნო თავის გადალღებულ მდგომარეობის მიზეზები და შეუდგა ჩინეთის კედლების დარღვევას. თქვენ თუ არ მომაქცევთ ყურადღებას მე თვითონ მივიქცევ თქვენ ყურადღებას და წინ წამოაყენა—ან „ჰო“ და ან „არა“. გლეხების და მუშების არეულობამ შარშან და წელს მიიქცია მართლაც მთავრობის და საზოგადოების ყურადღება. ყველა მიხვდა, რომ ანორმალურ მოვლენის მიზეზები საპატიოა და ყურადღების მისაქცევი. ყველამ აღიარა: ხალხს მეტის-მეტათ გაუჭირდა და რა ქნასო. რუსეთის ასე თუ ისე ლიბერალური პრესა პიროვნების ინიციატივის გაფართოებას თვლის უებარ წამლათ ხალხის გაჭირვებულ მდგომარეობის შესამსუბუქებლათ. მეტი თავისუფლება საზოგადოებრივ მოქმედებაში და ნაკლები აპეკა,—ი მოწინავე ოფიციალური მწერლობის სურვილი და იმედები. სულ წინააღმდეგს გაპკივის რეაქციონური პრესა. საზოგადოების უფლებების გაფართოება ყოველათ შეუძლებელია, ყოველ-გვარი არეულობის და ამბოხების მიზეზი თავისუფლებაა. მაშ ძირიან-ფესვიანათ აღმოიფხვრას იგი საზოგადოებრივ ფუნქციებიდან და ყველა-

ფერი პოლიტიურ თვითნებობას გადაეცესო. რეაქციონერები, ასე ბჭობენ ლიბერალები. ფიქრი და ბჭობა უფრო გამწვავდა, როცა დღეს ადგილობრივ მართვა-გამგეობაში განზრახულია რეფორმების შემოხება. მაგრამ რეფორმებიც არის და რეფორმებიც. რეფორმა იქნება როცა მაზრის უფროსი დამოუკიდებელი იქნება თავის მაზრაში, გუბერნატორი—თავის გუბერნიაში და ერობა—თავის მოქმედებაში. და რეფორმა ქვია იმასაც, როცა მაზრის უფროსის და გუბერნატორის უფლებები შეზღუდული იქნება და შევიწროებული.

ცენტრალიზაცია და დეცენტრალიზაცია—ი რა აკერია დღეს საზოგადოებას პირზე. რას ნიშნავს ან ერთი, ან მეორე? პირველი ნიშნავს იმას რომ ადგილობრივი საკითხების გადაწყვეტა ცენტრზე, ან პეტერბურგზე იქნება დამოკიდებული. ეს ასეც არის დღეს. გუბერნიის უმთავრესი კითხვების გადაწყვეტის ნება გუბერნატორს არ აქვს, მან სამინისტროს უნდა აცნობოს ყველაფერი. ცენტრალიზაციის დროს სულ უბრალო საქმის დაბოლოებასაც საზღვარი არ აქვს. აქ „კანცელიარშინას“ ყველაფერი შთაუნთქავს, შთაუნთქავს თვით საქმეც კი დეცენტრალიზაციის დროს ყველაფერი გუბერნატორზე დამოკიდებული. აქ საქმის დაგვირგვინებას იმდენი დრო არ უნდა, მაგრამ რა: გუბერნატორი, ვინ იცის, როგორ მოიხმარს თავის დამოუკიდებლობას. დამოუკიდებელი ყველაფერ კარგის გაკეთებაში, დამოუკიდებელი იქნება, აგრეთვე ყოველ გვარ სიკულის ჩადენაშიაც. რეაქციონერები დეცენტრალიზაციას გუნდრუქს უკმევენ: რა საქიროა რომელიმე სოფლის გლეხების აჯანყება სამინისტროს ვაცნობოთ, თითონ გუბერნატორმა უნდა დასაჯოს და გადაასახლოს დამნაშავენიო. ლიბერალებს კი უნდათ გუბერნატორის უფლებები შეზღუდული იქნეს. ეს ხომ ბიუროკრატიული რეჟიმის და კანცელიარიაში ჩინის უფრო განმტკიცებაა და გამაგრება, რასაც სიტყვით ასე ეწინააღმდეგება ლიბერალური საზოგადოება? და ეს თავის თავის წინააღმდეგობა თან დაყოლილი თვისებაა ყველა იმის, ვინც ორჭოფ შეხედულებას ვერ გასცილებია, ვინც ზერყლე უყურებს საქმეს და არ ეძიებს ძირითად მიზეზებს ამა თუ იმ საზოგადოებრივ მოვლენისას. დღევანდელ არსებულ პირობებში ჩვენ მუდამ მტერი უნდა ვიყოთ როგორც ამ გვარ ცენტრალიზაციის, ისე დეცენტრალიზაციისაც, ვინაიდან არც ერთი და არც მეორე საზოგადოების კონტროლს არ ექვემდებარება. უფლებების გაფართოება თუ შეზღუდვა თითონ საზოგადოებას უნდა ეკითხებოდეს და არა სხვა ვინმეს.

\* \*

ზემცები ჩივიან, რომ ერობის უფლებები მეტათ შეზღუდულია და საქიროა მათი გაფართოებაო. მაგრამ ერობას თავისუფლება არასოდეს არ ჰქონია და თუ არ ქონდა, რა უნდა შეზღუდულიყო. ზემცები შეტრფიან მესამოცე წლების საერობო დებულების შემოღებას და ცენზის შემცირებას. მაგრამ ჩვენ ვიცით, რომ მესამოცე წლების საერობო დებულებანი პრინციპიალურათ არ განსხვავდებიან არსებულ დებულებათაგან, მაშინაც ერობის თვით მართველობა ისეთივე ფიქტიური იყო, როგორც დღეს, მაშინაც ერობის ყოველგვარი ინიციატივა მთავრობას უნდა მოეწონებია და მასვე უნდა დაემტკიცებია. და დღეს, როცა თხოულობთ რომ საზოგადოებას სრული ინიციატივა მიენიქოს, იმავე დროს რაღას ებღაუჭებით 64 წლის ვადა გასულ კანონებს. სამაზრო საერობო კრებებმა ცენზის შემცირება მოითხოვეს და დაადგინეს: ქალებს მიეცეს არჩევნების უფლება საქმეების გადაწყვეტაში. ლიბერალურმა პრესამ ცენზის შემცირება დიდ ამბათ ჩასთვალა. ცენზის შემცირება საქმეს მაინც ვერ შევლის. 1000 დესიატინიანი ცენზი რომ ხუთასზე ჩამოიკნოს, ამით არსებითი ცვლილება არაფერ

რი ხდება ერის გასაძლიერებლათ და გასაბედნიერებლათ. ერის დიდ უმრავლესობას, ცხრა მეთედს მაინც არა გააჩნია რა. მშრომელ ხალხს მაინც არავითარი უფლება არ ექნება ქვეყნის მართვა-გამგეობაში მონაწილეობა მიიღოს. და ტყუილია, ხალხის სასარგებლოთ ვინმემ რამე გააკეთოს ამავე ხალხის დაუკითხავათ.

### უცხოეთის ამბები


ეროვნული კითხვა უნგრეთის პარლამენტში.—სოციალ-დემოკრატების მანიფესტაციები.

არსად ეროვნული კითხვა არ არის ისე გამწვავებული, არსად იმდენ ალიაქოთს და დავიდარბას არ იწვევს ის, როგორც ავსტრო-უნგრეთში, რომელიც სხვა-და-სხვა ერებისაგან შესდგება და თვითეული ამ ერთაგანი ერთი მეორეს ძლიერებით არ ჩამოუყვარდებიან. ნემცები, მაღიარები, ჩეხები, პოლონელები და სხვა სლავიანთა ტომები თითქმის ერთი მეორის თანასწორ ძალას წარმოადგენენ და ყველა ეს ერები შეერთებული არიან ერთ სახელმწიფოთ ავსტრიის გეგემონის ქვეშ, მისი იმპერატორის გამგებლობაში იმყოფებიან. ამიტომ აქ მუდამ ხედავთ ნაციონალურ ბრძოლას, ერთა შორის განხეთქილებას. ეს განხეთქილება განსაკუთრებით აშკარათ გამოჩნდება მაშინ, როცა ის ისეთ კრიზისის მომენტში ჩადგება, როგორშიაც მაღიართა ეროვნული კითხვა ჩადგა ამ უკანასკნელ თვეებში, როცა პარლამენტის კრიზისმა უმაღლეს წერტილამდის მიადწია და უნგრეთის სრულ განცალკევებას უქადდა. ვის სრულ, უკანტროლო გამგებლობაში უნდა იყოს უნგრეთის ჯარი, რომელი ენა უნდა იხმარებოდეს ამ ჯარში, აი ის კითხვები, რომლის გარშემო ტრიალებდა მთელი ეს კრიზისი. უნგრეთის პარლამენტი, როგორც ქვევითაც დავინახავთ, თითქმის სრულიად ბურჟუაზიული პარტიათაგან შესდგება, ხალხის წარმომადგენელთა რიცხვი იქ სრულიად უმნიშვნელოა. ასე რომ მთელი ეს ორობტრიალი ბურჟუაზიულ პარტიათა შორის არის ატეხილი. აქ ებრძვის ერთი მეორეს ორი მიმართულება: ცენტრალისტური, რომელსაც ავსტრიის იმპერატორი იცავს, და მისწრაფება დამოუკიდებელ არსებობისადმი, რომელსაც კოშუტები და სხვა ოპოზიციონური ჯგუფები ეტრფიან. პირველი იცავს უკვე დაჭერილ პოზიციას, თავის ბატონობას, მეორენი ცდილობენ მათი ბატონობა შეზღუდონ და თვითონ გაბატონდენ, აქ იბრძვის ორი ბურჟუაზიული პარტია და თვითეულს სურს შეუზღუდველათ, უკანტროლოთ თვითონ განაგებდეს ხალხის ბედ-იღბალს.

ამის ერთი უმთავრესი საშუალებათაგანი კი ჯარია. ვისაც ჯარი ემორჩილება, გაბატონებულიც ის არის თანამედროვე საზოგადოებაში; ის იმითი იმორჩილებს თავის მოწიმაღმდეგე კლასებს, მითივე იგერებს ბატონობაში მოცილვე მეტოქეებს. ამიტომ პირველი შეხედვით უმნიშვნელო კითხვა ჯარის დამოკიდებულობას და მის მოსახმარ ენის შესახებ, მეტათ მნიშვნელოვან კითხვათ იქცევა. ის ბურჟუაზიისთვის სამკვდრო-სასიცოცხლო კითხვაა, რადგან იგი ან უნდა ბატონობდეს, ან და საბოლოოთ დასუსტდეს, დაჩივდეს და ისტორიულ სცენიდან გადავიდეს. სწორეთ ამ მოსაზრებით იმპერატორი არ ელევა ჯარს, მას სურს ჯარი მის სრულ გამგებლობაში დარჩეს, ჯარი ერთი იყოს მთელ სახელმწიფოში და მასში ერთი, ნემცური ენა იხმარებოდეს, რადგან ამ შემთხვევაში ჯარი მის სრულ ბრძანებლობაშია და მის ნებას ასრულებს. უნგრეთის პარლამენტში მას მხარს უჭერენ ძველი-ლიბერალეები, რომელთაგან უმთავრესათ იკრიბება სამინისტროს წევრები. ხოლო ნაციონალ-ლიბერალეები, დამოუკიდებლობის პარტია კოშუტის მეთაურობით და სხვა ოპოზიციო-

ნური ჯგუფები თხოულობენ ჯარის დამოუკიდებლობას, საკუთარ მაღიართა ჯარის დაარსებას; ამით მათ ძლიერებას მტკიცე საფუძველი ეძლევა და ანტი-ლიბერალეობის თავიდან იცილებენ. ისინი მომხრე არიან უნგრეთის ჯარში მაღიარულ ენის შემოღების, განსაკუთრებული ბაირაღების ხმარების და სხვა. ამით მზადდება ნიადაგი უნგრეთის სრულ დამოუკიდებლობისათვის. ამ ორ მიმართულებას შორის მუდვიმ არსებობდა დაფარული და ცხადი ბრძოლა, რომელმაც ამ უკანასკნელ თვეებში მწვავე საპარლამენტო კრიზისი შექმნა. უმთავრესი იარაღი ოპოზიციისა იყო პარლამენტის ნორმალურ მოქმედებისთვის ხელის შეშლა, ბიუჯეტის მიუღებლობა, ახალი ჯარის გასაყვანთა რიცხვის დაუმიკებლათ დატოვება და მით სამინისტროს გადაყენება. მართლაც არა ერთხელ შეიცვალა სამინისტრო ამ სამი თვის განმავლობაში. დაცვა სელის სამინისტრო, ტისსას სამინისტრომ შედგომაც ვერ მოასწრო. კუნ-ჰედერვარმა ორჯელ სცადა სამინისტროს შედგენა და ორივეჯერ ცდამ უნაყოფოთ ჩაუარა. მან ვერ მიიხზრო უმრავლესობა და ამიტომ ვერც ოპოზიციის დაწყნარება შეიძლო. საქმე იმაშია, რომ ამ შემთხვევაში ჯარში სახმარ ენის შესახებ ლიბერალეებიც ოპოზიციის აზრის გამოდგენ და ამით სამინისტრო უმცირესობაში აღმოჩნდა. საინტერესოა ზოგიერთი ეპიზოდი ამ ბრძოლისა: კუნ-ჰედერვარის სამინისტროს მეორეთ დაცემის შემდეგ კრიზისი მეტათ გამწვავებული შეიქნა. ყოველი მოლაპარაკება მთავრობის და ახლოვებულ პარტიებთან უნაყოფოთ დარჩა. ავსტრიის უმაღლეს სფერებში არას გზით არ უნდოდათ უნგრეთისთვის დაეთმოთ ამ შემთხვევაში, რადგან კარგათ გრძნობდენ, რომ ყოველი დათმობა უნგრეთის უფრო აშორებს მას ავსტრიას და ბოლოს სრულიად დამოუკიდებელ მხარეთ გადაქცევს. ხოლო ისეთი ქვეყნის წხელიდან გაშვება, როგორც უნგრეთია, მათ სრულიადაც არ სურთ. ამიტომ იმპერატორს ურჩიეს არაფერი დაეთმო ოპოზიციისთვის, მტკიცეთ დაცვა თავის უფლებები. ასეთ აზრთა გავლენით ში ენკენისთვის უნგრეთის ჯარისადმი გამოცემულ ბრძანების ბოლოში მეფემ ჩაურთო ისეთი სიტყვები, რომელნიც აშკარათ ამბობდენ, რომ ავსტრიის ჯარი ერთია და მისი ერთობა შეურყეველი უნდა დარჩეს, რადგან ეს უმთავრესი საფუძველია სახელმწიფოს ძლიერებისო. ამ სიტყვებმა ერთი ალიაქოთი გამოიწვიეს უნგრეთის ოპოზიციის ში. მთელი ქვეყანა ფეხზე დადგა, სტუდენტებმა 800 კაცმა მანიფესტაცია გამართეს ასეთ ბრძანების წინააღმდეგ. მათ სახელოზე შავი ლენტები ეკრათ და ზედ ეწერა „ხლოპი. ში სექტემბერი“ (ხლოპში გამოიცა ეს ბრძანება) თავის ნაციონალურ უფლებების დასაცველად ნაციონალისტებმა აგიტაცია გამართეს, რადგან მეფე ასე თვითნებობით ეპყრობა უნგრეთის ინტერესებს, ამიერიდან სახელმწიფო გადასახადებზე უარი უნდა ეთქვათ. ბევრმა ქალაქის თვითმართველობებმა მიიღეს ასეთი რეზოლიუცია, გარდასახადებს არ შევკრებთ და თუ შემომტანი აღმოჩნდება, არ მივიღოთ. ამასობაში მოუწია სამსახურ დასრულებულ ჯარის კაცთა დათხოვნის ვადამ, მაგრამ რადგან ასეთი გაწვევა ჯერ არ იყო პარლამენტისაგან დამტკიცებული, საქირო შეიქნა ძველი ჯარის კაცების ნორმაზე მეტ ხანს დატოვება სამსახურში. ამას წინააღმდეგ ჯარის კაცი და ბევრი ოფიცერთაგანი. ჯარის კაცებმა მთელი დემონსტრაციები გამართეს ქალაქის ქუჩებში და განაცხადდეს, რომ ვადის შესრულების შემდეგ ისინი არ აპირობენ სამსახურში ერთ დღესაც დარჩენას. ბევრმა ოფიცერმა დათხოვნის ქალაქი შეიტანა და სხვა.

მღელვარება იმდენათ გაძლიერდა, რომ ვენის უმაღლეს სფერაშიაც ში სექტემბრის ბრძანება მეტის-მეტ უტაქტო ნაბიჯათ ჩათვალეს, ხოლო ოფიციალურმა გაზეთებმა ყოველი



ლონე ილონეს, რომ მისგან გამოწვეული შთაბეჭდილება შეესუსტებინათ. მათ განაცხადეს, რომ ჯარისადმი გამოცემული ბრძანება არ წარმოადგენს სახელმწიფო აქტს და მასასადამე სრულიადაც არ უარყოფს სამხედრო სფეროში საჭირო რეფორმების შემოღებას და სხვა ამგვარები. ამ კითხვების გასარჩევად არჩეულმა საპარლამენტო კომისიამ გადაწყვიტა, რომ ჯარი მეფის გამგეობის ქვეშ იმყოფება მაგრამ იმავე დროს პარლამენტი სწყვეტს კითხვებს მასში ცვლილების მოსახდენათ. ასე რომ ფაქტიურათ უფლება პარლამენტის ხელში ვარდება. ვაგრძელებულმა ბრძოლამ სრულიად შეაჩერა ყოველგვარი საპარლამენტო ცხოვრება და ამ ერთ კითხვას დაუქვემდებარა ყველა დროული კითხვები. მაგრამ ასეთი მდგომარეობა დიდხანს ვერ გასტანდა. ბრძოლამ მოღალა ორივე მხარე და ისინი დაადგენ დათმობის გზას. მეფე დაეთანხმა მცირედი ცვლილებებით კომისიის შემუშავებულ პროგრამას და სტეფან ტისსამ, რომელსაც მეფემ მიანდო ამ პროგრამით ხელმძღვანელობა, შესძლო როგორც იქნა უმრავლესობის მოპოვება და სამინისტროს შედგენა. როგორი იქნება მისი სამინისტრო, დიდხანს შერჩება გამგებლობა, თუ არა?

ამ კითხვებზე პასუხს მომავალი შოგვეცემს. ახლა კი გავითვალისწინოთ თუ რა მოუტანა მადიართა ვრს კრიზისის ასე დათავებამ. პირველათ პარლამენტის ხელში გადავიდა იმის განსაზღვრა, თუ რა უფლებით უნდა განაგებდეს იმპერატორი ჯარს, რომელიც მის მბრძანებლობის ქვეშ რჩება, ეს უწყველია, პრინციპიურათაც და ფაქტიურათაც პარლამენტის აქტივში უნდა ჩაიწეროს. მეორე უნგრეთის ჯარში შემოღებულ იქნება მადიართა ენა, მადიარი ოფიცრები ყველა უნგრეთის ჯარში დარჩებიან და ავსტრიის ჯარში იმათ ვერ გააწესებენ. ამით პირველი ნაბიჯია გადადგმული უნგრეთის ჯარის სრულ დამოუკიდებლობისადმი, და შემდეგ მთავრობასთან შეტაკებებში უნგრეთის ოპოზიციას შეეძლება საკუთარ არმიასზე დაემყაროს და უნგრეთის დამოუკიდებლობა მოიპოვოს, მაგრამ რა მიიღო ამით ხალხმა, მშრომელმა, გამრჯელმა ხალხმა, რომელიც თავის ძალ-ღონით ინახავს მთელ სახელმწიფოს. ის სრულიად განზე დარჩა, ამ შემთხვევაში მას არაფერი არ მოუგია. ოპოზიციას, რომელიც ასე თავგამოდებით იცავდა ნაციონალურ უფლებებს, კრინტიც არ დაუძრავს უფლებების გაფართოვებაზე, მათ არ უზრუნიათ არც ჯარის-კაცთა ხვედრის შემსუბუქებაზე, არც სამხედრო სამსახურის ვადის შემცირებაზე და სხვა ამგვარზე. პირ-იქით ისინი მტკიცეთ იცავენ ხალხის უფლებებს, თავის უპირატეს მდგომარეობას. კომუტი, რომელიც თავდადებული მებრძოლია უნგრეთის ეროვნული დამოუკიდებლობისათვის, ასე ეუბნება თავის უფრო რადიკალურ ამხანაგს, ბარაბაშს, როცა უკანასკნელი მეფის მოქმედების კრიტიკას შეუდგა და გვირგვინოსანის ქვევა გაკიცხა: თუ აუცილებელი ხდება გვირგვინოსანის შეხება კამათის დროს, სთქვა მან, ყოველ შემთხვევაში უნდა შევეხოთ მეტათ წინდახედულათ: კეთილი განწყობილება ტახტსა და პარლამენტს შორის აუცილებელი პირობაა კონსტიტუციონურ ცხოვრებისა, დამოუკიდებლობის პარტია იცავს უნგრეთის დამოუკიდებლობას, მაგრამ ის არასოდეს არ ყოფილა რესპუბლიკანურ წყობილების მომხრე. ამნაირათ მისი მისწრაფება ეროვნულ დამოუკიდებლობისადმი სრულიადაც არ შეიცავს პოლიტიკურ წყობილების გადემოკრატებას. არა მას მხოლოდ გადააქვს უფროსობა ერთი ბატონიდგან, მეორეს ხელში; ცხადია აქ, როგორც ზევითაც ვთქვით ორი ბატონი ეცილება ერთი მეორეს უფროსობას და თვითფული მათგანი სხვა-და-სხვა საშვლებით ცდილობს ამის მიღწევას.

სულ სხვა გვარათ შეხვდა ამ კრიზისს იმ პარტიამ, რომელიც

მელსაც სოციალ დემოკრატიულ პარტიას ეძახიან და რომელიც სათავეში უდგას მშრომელი ხალხის ინტერესებს. კრიზისი პარლამენტარულ ცხოვრებაში მომასწავებელია მისი მნიშვნელობის, გამომხატველია მასში დაფარულ მთავარ საკითხებსა და წინააღმდეგობის. მართლაც არც ერთ დასავლეთ ევროპის პარლამენტში ის ხმები უსამართლოთ არ არის განაწილებული, როგორც ავსტრო-უნგრეთში. არსად, არც ერთ კონსტიტუციონურ სახელმწიფოში ხალხის უმრავლესობა ისე მოკლებული არაა სახელმწიფო მართვა-გამგეობაში მონაწილეობას, როგორც ავსტრიაში. პარლამენტში წარმომადგენელის გაგზავნის უფლება დამოკიდებულია ამა თუ იმ კლასის სოციალურ მდგომარეობაზე. რამდენათ უფრო მაღლა დგას კლასი სოციალურ პირამიდის საფეხურზე, იმდენათ მეტ რიცხვს აგზავნის წარმომადგენლებისას პარლამენტში. ამისათვის მთელი სახელმწიფო დაყოფილია ე. წ. კურიებათ: პირველ კურიას შეადგენს თავად-აზნაურთა წოდება, ყავს 5,180 ამომრჩეველი და აგზავნის სულ 85 დეპუტატს ე. ი. თითო წარმომადგენელს 64 კაცზე. მეორე კურიაში შედიან ქალაქები, სულ ამომრჩეველები 394,000 და ირჩევენ 118 დეპუტატს ე. ი. ერთს 3,341 კაცზე. მესამე კურია (ვაჭარ მრეწველთა პალატა) შეიცავს 591 ამომრჩეველთ და აგზავნის 21 წარმომადგენელს ე. ი. ერთ კაცს 28 ამომრჩეველზე. მეოთხე კურიაში შედიან სოფლის მცხოვრებნი რიცხვით 1,490,959 ამომრჩეული და ყავთპარლამენტში სულ 129 წარმომადგენელი ე. ი. თითო 11,555 კაცზე. 1897 წელს ამას გარდა შემოიღეს მე-5 კურია, რომელსაც შეადგენენ ავსტრიის სახელმწიფოს ყველა მცხოვრებნი, განურჩევლათ წოდებისა და კლასისა და ირჩევენ 72 დეპუტატს. თუ ცალკე საამომრჩეველ ოლქებს ავიღებთ ხშირათ ასეთ კუროვნებს შეხვდეთ იმაგ. რომ 46 ჩეხიის აზნაური აგზავნის 5 დეპუტატს, ე. ი. 8 კაცზე თითო კაცს. მაშინ როცა გალიციის გლეხობა აგზავნის 494,000 სულზე მხოლოდ ერთ დეპუტატს. ამ ნაირათ პარლამენტში ხვდებიან მხოლოდ უმაღლესი კლასების წარმომადგენლები და ხალხი თითქმის ყოველ უფლებას მოკლებული რჩება. ის შრომობს, იღვწის, თავის ოფლით ინახავს სახელმწიფოს და თვითონ იმუფლებასაც კი მოკლებულია, რომ მის ჯიბიდან ამოღებული ფულის დახარჯვის გაწესრიგებაში მონაწილეობა მიიღოს და აი როცა ხალხის უმრავლესობა ასეთ დაბეჩავებულ და პოლიტიკურათ დამონაგვენულ მდგომარეობაშია, ოპოზიციას ის სრულიადაც არ ახსოვს, მისთვის თავს არავინ იტკივებს. სამაგიეროთ ისინი თვითონ ეძებენ თავის უფლებების დასაცველ საშვლებას, და ერთ ამ საშვალებათაგანს შეადგენენ მანიფესტაციები. მუშათა პარტიამაც ისარგებლა ვენგრის პარლამენტის კრიზისით და თავის კანონიერი მოთხოვნილებები წამოაყენა. მან მოითხოვა სრული საყოველთაო და მრავალწინააღმდეგობის შემოღება, და თავის მოთხოვნილებების დასაცველათ გამართა მანიფესტაციები ავსტრო-ვენგრის თითქმის ყველა ქალაქებში. ვენაში სოც. დემ. მოახდინეს კრება არსებულ საარჩევნო წესის წინააღმდეგ პროტესტის გამოსაცხადებლათ. ორატორებმა გაკიცხეს არსებული წესი არჩევნებისა, პოლიციის მოხელენი წინააღმდეგ ასეთ კრებების გამართვას და მათ შორის შეტაკება მოხდა, რომლის შედეგი იყო 11 კაცის დატუსალება. ამნაირივე კრებები გაიმართა სოც. დემ. შეთაურობით სხვა ქალაქებში, ლოკში, ბრიუნში, პრაგაში, აფრიკაში, ლიუბლანსში და სხვ. ყველგან მოთხოვნილება ერთი იყო: ხალხისთვის თანასწორ საარჩევნო უფლებების მინიჭება... ამნაირათ უნგრეთის კრიზისმა ორნაირი მოძრაობა დაგვანახვა, ერთი ეძებს ეროვნულ დამოკიდებულობას, მეორე ხალხის უფლებების გაფართოებას, ერთის მისწრაფებაა—ბატონობა ერთი ხელიდან მეორეში გადავიდეს. მეორეს მისწრაფებაა ბატონობა



ბას სრულიად ბოლო მოვლას და ყველა ადამიანს სრული თანასწორობა მიენიჭოს, პირველს საგარეოებელი ძალა აქვს პარლამენტში და იქიდან კდილობს თავის ინტერესების დაცვას. მეორე პარლამენტი უმწვენელოა და ამიტომ თვით ცხოვრებაში მოქმედებით ეძებს წართმეულ უფლებების დაბრუნებას და სამართლიანობის აღდგენას...

**პოლიტიკურ პარტიათა კრებები გერმანიაში.**

უკანასკნელ ხანში გერმანიაში ზედი-ზედ იმართება რეისტრაციის პარტიათა კრებები: შეიკრიბენ სოციალ-დემოკრატები, შეიკრიბენ თავისუფალ მოაზრენი და ნაციონალ-სოციალისტები. ვთქვათ ცალ-ცალკე მათზე.

უკანასკნელ არჩევნებზე შესანიშნავმა გამარჯვებამ სოციალ-დემოკრატიული პარტიისა, ერთბაშით მიაპყრო მთელი ევროპის ყურადღება ამ პარტიას. არარაობიდან ის დღეს ერთი უღონიერესი პარტია შეიქნა დებუტატთა რიცხვით და ყველაზე ღონიერი ამომრჩეველთა ხმის რაოდენობით. რა გზას დაადგება ის, რას მოახმარებს თავის ძალ-ღონეს, ეს კითხვები კი უდგება ყველას წინ. დარჩება ის, როგორც წინეთ, შეურიგებელი დაუცხრომელი მებრძოლი არსებული წეს-წყობილების წინააღმდეგ, თუ მასში დაბადებულნი განხეთქილება მძლავრათ იჩენს თავს და პარტიას ან ორათ გაყოფს და ამით დაასუსტებს, ან და თავის მშვიდობიან, კომპრომისების ტაქტიკას დაახვევს თავზე. ამაზე და მოკიდებული მათი პარლამენტრული მოქმედების ასეთი თუ ისეთი პოლიტიკური მნიშვნელობა. ამიტომ მთელი გერმანია და მათთან მთელი განათლებული კაცობრიობა გაფაციცებით ადევნებს თვალ-ყურს კრებას ღრუბდენში, სადაც უნდა გადაწყდეს ყველა ეს პარტიისთვის საჭირობოროტო კითხვები. პარტიის საკრებულო ზალა საესეა ყველა გაზეთების წარმომადგენლებით, რომელთაც უნდა საჩქაროთ აცნობონ კრების მსვლელობა თავის გაზეთებში. ეს კრება მეტათ საყურადღებოა. მართლაც არც ერთ წინანდელ კრებას არ დასწრებია იმდენი დელეგატები (400-მდე), არც ერთ კრებაზე არ ყოფილა ასეთი გაცხარებული სჯა-ბაასი, კამათი, შეხლა-შეჯახება მოპირდაპირე ჯგუფებისა. აქ შეიტაკენ ორტოდოქსალური მიმართულება და რევიზიონისტები, ტაქტიკა რევოლიციონური და რეფორმატიული, პირდაპირი და კომპრომისების ტაქტიკა. ვინ გამოვამათგან გამარჯვებული?

კრებას ჩვეულებრივით თავმჯდომარეობას ზინგერი, მხნე და გამოცდილი თავმჯდომარე. ის თავდაპირველი, მტკიცე, ენერგიული ხასიათისაა, ე. ი. ისეთი თვისებებით შემკული, როგორც საჭიროა მრავალრიცხოვან კრების ხელმძღვანელობისთვის. როცა ბრაუნმა ერთ თავის ამხანაგს მერინგს ბ-ნი მერინგი უწოდა, მან ავტორიტეტულათ შენიშნა: აქ არა გვყავს ბატონები, არიან მხოლოდ „ამხანაგები“. კი, მარა, მე ვაძლევ თავს ნებას ბ-ნი ვუწოდო მას. შენ ვერაფერ ნებას ვერ მისცემ თავს, თუ ჩემი ნებართვა არ იქნება,—გააწყვეტინა მას ზინგერმა... ასე, კრება გაიხსნა ზინგერის თავმჯდომარეობით. პირველათ ორატორებმა აღნიშნეს ის ბრწყინვალე გამარჯვება, რომელიც მათ მიიღეს უკანასკნელ არჩევნების დროს და რომელიც პირდაპირი შედეგი იყო მათი ენერგიული, დაუღალავი, შეუპოვარი მოქმედებისა. აღნიშნეს აგრეთვე მუშათა პრესის გაძლიერება, რომელსაც 100,000 ხელის მომწერი მოემატა უკანასკნელ წლის განმავლობაში. შემდეგ გადავიდნენ იმ კითხვების განხილვაზე, რომლებიც სხვა-და-სხვა ოლქებიდან იყო წარმოდგენილი.

პირველათ დაყენებულ იქნა კითხვა ბურჟუაზიულ პრესაში მონაწილეობის შესახებ. ბებელმა მთელი სიტყვა უძღვნა ამ საკითხს და სასტიკათ გაკიცხა ისინი, ვინც მონაწილეობაში თავს და ამცირებს მთელს პარტიას ბურჟუაზიულ პრესაში მონაწილეობით, იმ პრესაში, სადაც მათი წერილების გვერდით უშვერი სიტყვებით ლანძღვენ, ტალახში სვრიან მათ იდეებს, აზრებს და მისწრაფებებს. კრებაზე გამოირკვა მართლაც, რომ ბევრი სოციალ-დემოკრატიული პარტიის წევრები სრულიად არაფრათ ადგებენ ბურჟუაზიულ პრესაში თანამშრომლობის და ფულის გულისთვის არაფრითარ თავის დამამცირებელ ზომებს არ ერიდებიან. განა დამამცირებელი არ არის ისეთ პრესაში მონაწილეობა, რომელიც აშკარათ აღიარებს თავის სრულ უიდეობას და მხოლოდ ერთ მიზანს, გამდიდრებას, ხელის-მომწერთა მომატებას ემსახურება? გაცხარებულ კამათში ბევრი მწვავე სიტყვები მოხვდა გერმანიის საუკეთესო პუბლიცისტს მერინგსაც, რომელსაც ბევრი შეცოდება გამოუჩხრავს წარსულში, თუმცა ამ უკანასკნელ ათი წლის განმავლობაში მის მოქმედებას ჩირქი არ მოსცებია. ბებელის მკაცრი მსჯელობა ბევრ ახალგაზდას არაფრათ ებიტნავა და დრტვინვა დაიწყო, ნუ თუ მას აღარ ახსოვს ახალგაზდობა, როცა მასაც სწყინდა მოხუცი ამხანაგების ოპეკა ან და რა სარგებლობას მოუტანს პარტიას, როცა მის მწვირიან საცვლებს ასე საჯაროთ რეცხენ, არ მისცემს ეს მარჯვე იარაღს მოწინააღმდეგეთ ჩვენ წინააღმდეგო. მაგრამ ბებელის არ სწამს მალეულობის თამაში. „ათასჯერ უკეთესია თავის საკუთარი სახელი უწოდო ყოველ მოვლენას, ვინმე ხელი დააფარო შინაურ განხეთქილებას. ეს მუწუკებია, რომელიც უჩნდება ყოველ პარტიას, როცა ის ასეთ ძლიერებადმდის მივა, როგორც ჩვენი პარტიაა. საჭიროა მათი გამორწყვა და რაც ადრე მოხდება ეს, მით უკეთესია, ოპერაცია გაივლის და ჩვენ ჯანსაღი შევიქნებით!“ ასეთ მუწუკებათ ბებელი სთვლის ოპორტიუნისტთა ჯგუფს. მათ თავისი განსაკუთრებული პოლიტიკური მორალი (ზნეობა) შამოაქეთ მუშათა მოძრაობაში, რომელიც თითქმის სრულიად არ წაგავს პროლეტარიატის მორალს. „ყველა პატიოსან ადამიანს ჩვენ სახარულით ვეგებებით, როგორც ამხანაგს,—განაგრძობს ბებელი, და თუ მას თან ახლავს ცოდნა, მეცნიერება, ნიჭი მით უკეთესი. მაგრამ ორი მოთხოვნილება აუცილებლათ უნდა წარვუდგინოთ ყოველ მომსვლელს: თუ ჩვენთან მოდიხარ, უნდა იყო გულწრფელი, მტკიცეთ დარწმუნებული მებრძოლი მუშათა ინტერესებისთვის, მუშა ხალხი არ მიგაჩნდეს გაუნათლებელ, ყრუ ბრბოთ და თავის თავი არ მოგჭონდეს რაღაც უმაღლესს არსებათ. ჩვენ არ გვჭიოია ქურუმები, რომელნიც ზიზლით უცქერიან ხალხს. მე ვეკითხები გვირებს, ბერნგარდებს, ბრაუნებს და ამხ. უმწიკელოა იმათი საქციელი, ვინც ვერცხლის გულისთვის სწვრენ ჩვენი აშკარა მტრების გაზეთებში? წრფელი მოსაზრებით ხელმძღვანელობენ ისინი, ვინც ქადაგებს ორგვარ მორალს, ერთ ინტელიგენციისთვის და მეორეს ხალხისთვის? 40 წელზე მეტია მე ვდგევარ პოლიტიკურ ასპარეზზე, ჩემი იდეები იცვლებოდენ, ყველამ კარგათ იცით, ყველა ის სისულელე, რომელიც ამ ხნის განმავლობაში ჩამიდენია, იცით, რამდენჯერ ჩამიდენია, ისინი ჩაწერილი და ხაზგანსმულია, მაგრამ მიუხედავათ ამისა ვერც ერთი ადამიანი, თუნდაც ჩემი შეურიგებელი მტერი, ვერ იტყვის, რომ მე სვინილისი წმინდა არ მქონდეს (აღტაცებული, ხანგრძლივი ტაშისცემა). რამდენჯერ წამიკითხავს და ყურითაც

მსმენია, დროა მოხუცი მოვასვენოთო, მაგრამ როგორ უნდა მოიშოროთ, როცა მას მხარს აძლევს მთელი ხალხი? დაკითხებიხართ თქვენ თავს, რატომ დგას ჩემკენ ხალხი? იმიტომ რომ ხალხს მეტათ განვითარებული აქვს სიმართლის გრძობა. უწოდეთ ამას რაც გინდათ, სვინილისი, გინდა ინსტინქტი! ყოველ ჩემ მოქმედებაში, ყოველ ჩემ შეცდომაში, ყოველ ჩადენილ სისულელეშიაც, ხალხი გრძობდა და ხედავდა, რომ მე ვიქცევი, როგორც პატიოსანი კაცი, რომელიც ფიქრობს არა თავის თავზე, არამედ მათზე. ბევრი თქვენგანი იტყვის, განდიდების მანიას შეუპყრია ჩვენი მოხუციო, მაგრამ ეს ჩემთვის სულ ერთია, აქ კითხვა ენება ჩვენს მომავალს, ჩვენი დიადი იდეალების განხორციელებას, ამიტომ მოგმართავთ ყველას, ვისაც გულწრფელათ გსურთ სიმართლის სამსახური, და გიმეორებთ: თუ გსურთ ხალხზე გავლენის მოპოვება, ნუ თამაშობთ მის წინ მალულობიას, იყავით მათი მონა-მოსამსახურე, იცხოვრეთ მათთან საერთო ინტერესებით, იგრძენეთ ის, რასაც ის გრძობს! აი ამაშია ჩემი გავლენის საიდუმლოება, მოიქეცით ასე, და ხალხი თქვენც შეგიყვარებთ და დაგაფასებთ. კიდევ მეტს ვიტყვი, თქვენ შეგიძლიათ მაშინ გაუძღვეთ ხალხს გამარჯვებისაკენ; შეუზღებლობა და უსამართლობა გაქრება მაშინ დედამიწის პირიდან! (ვაშა და ტაშისცემა)“. დანარჩენებზე შემდეგ.

### მ ი მ ა

(მოთხრობა გურულების ცხოვრებიდან)

#### VII

(დისასრული. იხ. „კვალი“ № 27)

მეორე დღეს ქრისტინემ საშინელის თავის ტკივილით გაიღვიძა და პირველათ ვერ მოეგონებინა, თუ რა მოხდა. ის გრძობდა, რომ რალაც საზიზარო საქმე ჩაიდინა, მაგრამ რა? მან დაიწყო გუშინდელი საღამოს მოგონება და უცებ ელდა ნაცემივით წამოვარდა და დაჯდა ლოგინში. ცოტა ხანს იყო გაჩუმებული, მერმე მიიფარა ორივე ხელები პირზე და შერცხვენილი კვნესით ჩუმათ ატირდა, რომ არავის გაეგონა. მაგრამ, რადგანაც ამ დროს ბავშვა გაიღვიძა და ტირილი დაიწყო, ქრისტინე უნდა ამდგარიყო და აკანკალებულის ხელებით ჩაიკვა ტანზე, დააკმაყოფილა ბავში და ისევ დაჯდა ლოგინზე. ის იჯდა შერცხვენილი, გარინდებულის სახით და გულის ფანტქალით ფიქრობდა, თუ როგორ უნდა გავიდეს ესლა სირცხვილით მეორე ოთახში და რა პირით შეხედოს ქალბატონს, როცა ის დაუძახებს ტანზე ჩასაცმევათ. მას სცხვენოდა წარსულის მოგონებისა, მაგრამ კიდევ უფრო სცხენოდა დანახვებოდა ვინმეს მომავალში და შეშინებული იჯდა გაუნძრევლათ ერთ ადგილს.

სასადილო ოთახში გაისმა ვაჟბატონის განრისხებული ხმა:

— ვინ მოიტანა ეს წერილი? დენშიკმა? დაუძახე აქ! კარები გაიღო და ქრისტინემ ფეხის ხმაზე იცნო, რომ დენშიკი შემოვიდა.

— შენ თითონ ნახე ქალბატონი მიმავალ გემზე?... თითონ მოგცა წერილი, ერთად წავიდნენ?

— დიად, თქვენო მაღალ-კეთილშობილებავ, მიუგო დენშიკმა.

— წადი.

— დენშიკი გავიდა.

ცოტა ხანს შემდეგ ქრისტინეს მოესმა გაჩქარებული ბოლთის ცემა... უცებ ფეხის ხმა შესწყდა და მოისმა მაღალი ხარხარი.

— პარისმა თვითონ ვენერა წაიყვანა? ხა-ხა-ხა?

უცებ გაიღო ქრისტინეს ოთახის კარები და ხარხარით შემოვიდა შიგ ვაჟბატონი წერილით ხელში.

— ხა-ხა-ხა, ძიძა, ჩვენი ვენერა და პარისი ფიუ! დაუშტვინა მან და გაიქნია ხელი ჰაერში.

ქრისტინე მაშინვე მიხვდა, რომ ქალბატონი და უღვაშებ აწკეპილი ჭაფიციერი ერთათ გაიქცენ ლამის გემით და ოდნავი შეღავათი იგრძნო. მან განცვიფრებით შეხედა მოცინარე ვაჟბატონს, მაგრამ ვაჟბატონი ერთბაშათ ისევ მოიღრუბლა, დაქმუქნა წერილი და საჩქაროთ გავიდა ისევ სასადილო ოთახში.

— ჩაი, ჩაი, ჩქარა დამისხით, უნდა წავიდე, — თქვა მან.

დენშიკმა ამ დროს შემოიტანა ადუღებული სამოვარი და დადგა მაგიდაზე. ქრისტინე რალაც მანქანასაებ დამორჩილა ამ ბრძანებას და როგორც ყოველთვის, გამოვიდა ჩაის გასაკეთებლათ. როცა გააკეთა და დაასხა, ბატონმა მაშინვე აიღო თავისი ჭიქა. ის იდგა ფეხზე და საჩქაროთ სვამდა თავის ჩაის მრისხანე სახით, არავისკენ არ იცქირებოდა.

შამოვიდა მზარეული ქალი ანგარიშის წიგნით ხელში და გაჩერდა კარებთან.

— რა გინდა შენ? — დაეკითხა მას ბატონი.

— სადილათ რას მიბრძანებთ, რა გავაკეთო?


— სადილათ?!. განიმეორა მან, — ახ, ძიძა, უთხარი რა გააკეთოს; მე არ მცალია, მეჩქარება სამსახურში — მიუბრუნდა ის ქრისტინეს და საჩქაროთ გავიდა გარეთ.

მზარეული ქალი განცვიფრებული ამ სიტყვების გაგონებაზე ეჭვიანის თვალით დააქკერდა ძიძას. ქრისტინე პილპილივით აენტო; მან შეატყო, რომ ეს ჭკვიანი დედაკაცი ყველაფერს მიხვდა. ეს ცხდათ ეტყობოდა მისი თვალების მკაცრ ცივ შუქზე. დენშიკის სიტყვებმა კი, რომელმაც ბატონი გააცილა და დაბრუნდა ახლა ოთახში: — ოჰო, ახალი ქალბატონი გაგვიჩნდა ასე ჩქარა? მთლათ დაარწმუნა ქრისტინე, რომ აღარავისთვის აღარ იყო საიდუმლო მისი საქციელი. მან მწვავეთ იგრძნო თავის ყალბი მდგომარეობა და გაფითრდა, ოდნავ დაბარბაცდა, მაგრამ თავი შეიმაგრა.

— რაც გინდა იგი გააკეთე, — რალაც მკვდარის ხმით და მკვდარის სახით უთხრა მან მზარეულ ქალს და საჩქაროთ გავიდა თავის ოთახში, მივიდა ფანჯარასთან გაიხედა, გარეთ, ცოტა ხანს იდგა შემდეგ, თითქოს რალაც მოაგონდაო სწრაფათ მოტრიალდა, აიყვანა ბავში ხელში, აჩქარებული ჩააცვა ტანზე, მერმე დაიხურა თავზე მოსახვევი და გამოვიდა გარეთ. ქუჩაზე, ცოტა ხანს შეჩერდა, მიიხედ-მოიხედა და გაჩქარებული გასწია რკინის გზის სადგურისაკენ. მიდიოდა ის მოუთმენლის სისწრაფით, პირ მოკუმშული წარბებ შეკრული, თვალცრემლიანი. სადგურზე მან მონახა „კასა“ და გაჩერდა გაჩუმებული, გარინდებული, თითქო დაავიწყდა, რისთვისაც მოვიდა.

— რა გინდა? — დაეკითხა მას კასირი.

— ბილეთი ნატანებამდის. — ამოიღო ქრისტინემ ჯიბიდან წერილი ფული, მიაწოდა, გამოართვა მწვანე ქალღლის ნაქერი და საჩქაროთ წავიდა პლათფორმისაკენ, შევიდა მესამე კლასის ვაგონში და დაეშვა ფანჯარასთან ცარიელ ადგილას. მან ერთბაშათ რალაც შეღავათი იგრძნო და როცა მატარებელი დაიძრა, გულიანათ დავისუფლათ ამოისუნთქა. „ვეტყვი, ვეტყვი, ყორიფელს ვეტყვი, რაც უნდა, იგი მიქნას“ წარმოსთქვა მან თითქმის ხმა მალლა და შეშინებული მიიხედ-მოიხედა ირგვლივ. მას მოაგონდა დედამთილის სიტყვები: „დედაკაცმა თავს ვერ მოუარაო“ — „ვერ მოვუარე ვერც მე, მომკლას, კიდევ უკეთესია... ღირსი ვარ, ვეტყვი ყორიფელს, რაეც დევინახავ, მაშინვე ვეტყვი“ — ფიქრობდა ის თავის ქმარზე და



თავ-ჩაღუნული ყურადღებას არ აქცევდა არაფერს. ბავში სიცილით ეპოტინებოდა და იწევდა ფანჯრისაკენ. ქრისტიანებშიაბრუნა ის ფანჯრისაკენ და თითონაც გაიხედა გარეთ.

მატარებელი გასცილდა ქალაქს და ეხლა ზღვის ნაპირას მიდიოდა. მაგრამ ქრისტიანე ვერ ამჩნევდა ზღვის პირის საოცარ მშვენიერებას, ის ვერც კი ხედავდა მას, მისთვის სულ ერთი იყო ზღვა, ხმელეთი, მზე, დღე, ღამე. მან არც კი იცოდა, დღე იყო ეხლა თუ ღამე, ის ვერ ხედავდა სინათლეს. ქრისტიანე მხოლოდ გრძობდა რაღაც ყრუთ, რომ ის რაც მოხდა, იმან გააქრო მის გულში სინათლე, წაშალა ყველაფრის ნამდვილი მნიშვნელობა. მან მხოლოდ იცოდა ის, რომ მიდიოდა ქმართან, საცოდავ ჩოფანო ქმართან, რომელიც ამ წამში არც სძულდა და არც უყვარდა. მიდიოდა, რომ ეთქვა მისთვის ყველაფერი. რისთვის იყო საჭირო თქმა, მან არ იცოდა და არც აძლევდა თავის თავს ანგარიშს. „ვეტყვი, ვეტყვი ყორიფელს, რაც უნდა, იგი მიქნას“—იმეორებდა ის წამდაუწყებლად თავის ფიქრებში გართული, ვერ ამჩნევდა, იჯდა ვინმე მის მეტი ვაგონში, თუ არა. მას არ ესმოდა, როგორ უყვიროდა კონდუქტორი რემდენიმე წამის განმავლობაში და სთხოვდა ბილეთს; ვერ ამჩნევდა, როგორ დასცინოდნენ მას ამის თაობაზე ირგვლივ მგზობლები „ვეტყვი, ვეტყვი ყორიფელს“—განიმეორა მან. ამოიღო ბილეთი, მიაწოდა კონდუქტორს და მიიხედა-მოიხედა. ვიღაც ქალი დაელაპარაკა მას. ქრისტიანე გაკვირვებული გადაავლო მას თვალი და ისევ გაიხედა უაზროთ ფანჯარაში.

ვიღაცამ ბავშვს აღერსი დაუწყო. ბავშვს შეეშინდა, ატირდა და ჩაეხუტა ძიძას. ქრისტიანე სწრაფათ ჩაიკრა ის გულში და სიყვარულით ნაზათ აკოცა. ერთ წამს ის თითქო ღრმა ძილისაგან გამოიკვია: მოესმა საამური სიმღერა, ფანჯარაში გამოჩნდა მშვენიერი მზიანი, ბრწყინვალე დღე. მატარებელი მისრიალებდა ამწვანებულ, მობობინე ტყეში. ქრისტიანეს პირდაპირ იჯდა ახალგაზრდა ღამაში ქალი და აღერსიანათ უცინოდა მას.

— შენც ნატანებში მიხვალ?—დაეკითხა ის. მაგრამ წარმოიდგინა თუ არა ქრისტიანე, სადაც მიდიოდა და რისთვისაც მიდიოდა, მაშინვე მიეცა ისევ თავის ფიქრებს და ყველაფერმა დაჰკარგა ნათელი ფერი, ყველაფერს დაეკარგა თავისი მნიშვნელობა. ბავშვს დაეძინა. ქრისტიანე ადგა, დააწვინა ის თავის ადგილას და თითონ გაიხედა ფანჯარაში. ნატანების სადგურზე მისვლამდის უკან აღარ მოუხედავს.

სამხრობა იქნებოდა, როცა ქრისტიანე შევიდა თავის სოფლის ორღობეში. მზე ჯერ კიდევ მაღლა იდგა და მძაფრათ აცხუნებდა. ქრისტიანე ბავშვით ხელში გაწითლებული და დაღლილი ნელის ნაბიჯით გაუბედავით მიდიოდა შინსაკენ. ის ისე ხშირათ აღარ იმეორებდა:

„ვეტყვი ყველაფერს, რაც უნდა იგი მიქნასო“. ახლა ეს მას ძნელ სათქმელათ ეჩვენებოდა და არ იცოდა, როგორ და რა ნაირათ ეთქვა.

რამდენათაც უახლოვდებოდა ის სოფელს და მერმე თავის „შინას“, რამდენათაც ის ცნობილობდა ხეებს, სახლებს, მოთამაშე ბავშვებს, იმდენათ მისი გული მოულოდნელის სიხარულის გრძობით იესებოდა. ის ოცნებობდა, რომ „კოწივი“ არ დახვედროდა შინ, რომ რაც შეიძლება მეტი დრო ჰქონოდა ყველაფრის დასათვალიერებელ—სანახავათ. ხანდისხან ისე გაიტაცებდა რამე სანახაობა, რომ ავიწყდებოდა კიდევაც თავის მოსვლის მიზეზი. მაშინ მას ეგონა, რომ ესეც არის გამოვიდა შინიდან მგზობლისას ფქვილის სასესხებლათ ბაღით ხელში და ეხლა დაბრუნებული მიდის თავის ოჯახში. ბავშიც ამ დროს თავის „მაროიათ“ ეჩვენებოდა და სიხარულით იტკირებოდა იქით აქეთ. „სიმინდი სამარგელი შექნი

ლა“, ფიქრობდა ის „ნეტაი სადაა კოწივი, შინ მუშაობს თუ ეწერში“ მას იმედი ქონდა, რომ ეწერში მუშაობს და მსუბუქათ მიდიოდა შინსაკენ.

საიდგანდაც მოისმა ნადური სიმღერა. ქრისტიანე შეჩერდა, მოიწმინდა შუბლზე ოფლი და გაილიმა. მისმა სახემ სრული ბედნიერება გამოხატა.

„ია-უა-ია-უა“ ისმოდა წვრილი გამყვიანის ხმა; რომელიც შესცვალა ბოხმა ხმამ: ია-ბო ია-ბო!

— ნადური, ნადური—წარმოსთქვა მან აღტაცებით და მაშინვე მოაგონდა თავის გარემოება. „ახ, იგი საშინელი საქმე რომ არ მომხდარიყო“ ზიზლით იფიქრა მან და უხაროდა, რომ მისი სახლი განაპირა იყო და რომ მას ვერავინ დაინახავდა. მაგრამ აი გამოჩნდა მისი შინა: ეზო და სახლები, სახლის წინ დიდი ნიგვზის ხე. ქრისტიანეს ყველაფერი დაავიწყდა და გახარებული თითქმის გაიქცა იქითკენ. აი მურიაც ყვეით გამოიქცა მისკენ.

— მურია, მურია, ჩემო მურია, ვერ მიცანი?—შესძახა ქრისტიანე სიცილით ძაღლს. მურიამ შეხედა თავისი ყვითელი თვალებით და კუდის ქნევით და წკმუტუნით დაუწყო ლაქუცი და კაბის კალთებში ხვევნა.

ღობეზე დაიყვილა მამალმა, ქრისტიანე იცნო ის პატარა „მამლუჩა“, რომელიც მან სათესლეთ გაუშვა შემოდგომაზე. ის სრულიად გახარებული და ბედნიერი გაეშურა ქიშკრისაკენ. მაგრამ უცებ მის წინ თითქო წამ წამში გაჩნდა, ამდენ ხანს ქრისტიანეს არ შეუღმჩნევია, დაინახა დაბალ ქვის ბოკონებზე დადგმული ოდის საძირკვლები. ამ დანახვამ სწრაფათ მოაგონა მას, რისთვისაც გაჩნდა ის დღეს შინ და საშინელმა შიშმა შეიპყრო ის. „უნდა ვუთხრა“, მოაკლავენ აგინი, ველარაფერს ველარ ვნახავ“. გაუფლავა მას ნაწყვეტ-ნაწყვეტათ თავში და მას უნდოდა გაქცეულიყო უკან, სადღაც დამალულიყო, რომ არავის დაენახა. სრულიად გაოფლიანებული შეშინებული შეჩერდა ის.

— ქრისტიანე, ქრისტიანე შევიდა—მოესმა მას გახარებული ხმა. ქრისტიანე მიიხედა იქითკენ, მისკენ მორბოდა პერანგის ფრიალით გულ-გაღვლილი თავზე ცხვირსახოც წაკრული, ფეხშიშველი კოწია ისეთის ბრწყინვალე, გახარებულის სახით, რომ ქრისტიანემაც უნებურათ გაილიმა.


— ქრისტიანე რაფერ მოულოდნელათ, ტყუილია კი არ მიხაროდა რაცხა დღეს, იმიზა არ წვევდი ეწერში, აქნაი დავრჩი ეზოში სამუშაოთ. მომე ბალანაი... რავა დაღალულხარ?... აბა ნენავ!.. სადაა ნეტაი აი ნენაი?... უქმელი იქნები!.. აქეთ შამოი... რა კაი ქენი, რომ ჩამოდი... შამოი, შამოი... ამბობდა ის სხაპა-სხუბით და ნაწყვეტ-ნაწყვეტად, გამოართვა ბავში და წავიდა წინ სახლისაკენ, მაგრამ წამ და უწყემ იხედებოდა უკან და სიყვარულით ელაპარაკებოდა ქრისტიანეს, რომელიც მას უკან მისდევდა.

— რეიზა არ შემატყობიე, ურემს ჩამევიყვანდი სტანციაზე და ორივეს წამოგიყვანდით, რეიზა მეიკალი თავი ბალანაის ზიდვით.

ქრისტიანეს გადაწყვეტილება, რომ როგორც დაინახავს კოწიას ყველაფერს ეტყვის, ეხლა სრულიად გაქრა. ის მიყვებოდა უკან კოწიას და ფიქრობდა: „სახლში რომ შევალთ, მერე ვეტყვი“, მას ეხლა აღარ ეშინოდა არც ქმრის, არც სიკვდილის და ფიქრობდა მხოლოდ იმაზე, თუ როგორ გააუბედურებს ამ კეთილ კოწიას მისი სიტყვები და გადადვა შემდეგისთვის.

— ნენავ, ნენავ, მოი ვინ გვესტუმრა, ნახე!—გასძახა კოწიამ ბოსტანში მომუშავე მხეხას.

ისინი ორივენი შევიდნენ სახლში. კოწიამ დააჯდინა ბავში ტახტზე. დაჯდა ქრისტიანეც.



— უსადილო ხარ?—დაეკითხა მას კოწია ზრუნველობით. ქრისტინეს მოაგონდა, რომ დღეს არაფერი უქამია და დაუქნია თავი.

— დედავ, დედავ!— შემოვიდა გაკვირვებული მზეხა სახლში.— ბალანაც ქე წამოგატანეს, რამდენი ხნით გვესტუმრეთ?

— ნენავ, რავე ჯერ სახლში. არ შემოსულა და რა საკითხავია მაი— წყენით მიუგო დედას კოწიამ.

ქრისტინემ ხმაზე შეატყო შიში, რომ ჩქარა არ წასულიყო და რომ დაემშვიდებინა ქმარი, საჩქაროდ თქვა:

— თლა!— სახტათ დარჩა მზეხა.

— ეჰ, რას მიჩივი, ჩემო ქრისტინე, შეჰყვირა აღტაცებულმა კოწიამ, საჩქაროდ დაადვა ცოლს ბეჭებზე ხელი და ჩამოჯდა მასთან. ქრისტინემ შეხედა მის ბედნიერ სახეს, ბრწყინვალე თვალებს და იფიქრა: „ახლა არ შემიძლია ამის გაუბედურება, ხვალ ვეტყვი“.

მან თითონაც გაიღიმა და მიუგო ქმარს.

— ჰო, თლა შევედი. ბატონს ცოლი გიექცა და მე რალას მუუცდიდი იქინეი.

მეორე დღეს დილა ადრინათ წავიდა კოწია ბათომში, რომ მოლაპარაკებოდა დერიანს, და ქრისტინე გულის კანკალით ელოდა მის დაბრუნებას. დარწმუნებული იყო, რომ იქ ყველაფერს გაიგებდა კოწია და არ იცოდა, რა მოელოდა მას. ერთისმხრით მას სურდა კიდევაც, რომ იქ გაეგო ყველაფერი, რადგანაც მას თითონ ერთობ ეძნელებოდა გასტეხოდა ქმარს თავის დანაშაულობაში. მართელი დღე ის სევდიანი დადიოდა და აზრით ემშვიდობებოდა ყველაფერს: მარგამ, როცა საღამოს კოწია დაბრუნდა შინ მხიარული და ბედნიერი ქრისტინეს და ბავშვის ბარგი ბარხანით, მან უზომო სიხარული იგრძნო გულში.

— არა, შენ წარმოიდგინე, ქრისტინე!— ამბობდა გაბრწყინებული კოწია.— ვაჟბატონს ჩემს ჩასვლამდე არც კი შეუტყვია შენი წამოსვლა. დღეს ვათენების ხანს შევიდაო, მზარეულმა ქალმა მითხრა, და ეძინა. როცა ადგა და უთხრეს, დამიძახა, გამიცინა, ბეჭებზე ხელი დამკრა და მითხრა: „ბალანაი იყოს თქვენთან ჯერ-ჯერობით, ფულს თითო თუმანს გამოგიგზანნი თვეშიო, ბალანაი შემოდგომაზე ეგება წვევიყვანოვო“. ერთი სიტყვით მოგვწერს ყორიფელს. ხუთი მანეთი ქე მაჩუქა მეც.— მან ჩამოიხსნა წელზე ჩამოკიდებული ძაფზე აკმული ბუბლიკები, გამოაძრო ერთი, მიაწოდა ჟორჟეტას და აღერსიანათ უთხრა:

— აჰა, ჩეჩეტა შენ.

— ეე ბალანაის სახელი რომ ვერ ისწავლე ამდენ ხანს, ჩორჩეტაი ჰქვია, ჩორჩეტაი, — გაუსწორა მზეხამ.

კოწიამ მხიარულათ გაიცინა და შეხედა სიყვარულით ცოლს.

„აჰა, ვერ ვეტყვი, არ შემიძლია ახლა, მერმე როისმე, ხვალ, ზეგ, რა საჭიროა!“ იფიქრა ქრისტინემ და შეხედა ქმარს სიყვარულით მადლიერის თვალებით. „რა კაი გულისაა, პატივში რომ იყოს ლამაზი იქნება“. იფიქრა მან და დაიწყო თავის ბარგის გარჩევა.

გავიდა წელიწად ნახევარი. იღვა დამლევი გიორგობისთვის ბურუსიანი წვიმიანი ცვი დღე. კოწია, მზეხა და ქრისტინე ისხდნენ ძველ სახლში შუაზე გაჩაღებული ცეცხლის პირას. სახლის წინ ჭიჭრისაკენ გაღებულ ზენა კარში მოჩანდა ორთვალაი ახალი ოდა, რომლის აშენებაზე დასჭირდათ ის მეორე ახალი სახლი, სადაც ჩვენ პირველათ ვნახეთ ქრისტინე, კოწია და მზეხა, და რომელშიდაც ისინი ნასადილეობით და საძილოთ სცხავრობდნენ, სადღილ, ვახშამს, როგორც ეხლა

მაშინაც ამ პატარა ძველ სახლში აკეთებდნენ. კოწიას მტეხლებზე უჯდა რვა-ცხრა თვის პატარა ლურჯ თვალეტიანი ბავშვი და ეალერსებოდა.

— რა ბიჭია, რა ბიჭია ჩემი ნიკოი? — თქვა მხიარულათ კოწიამ და ასწია ხელში წითელ პერანგ ბავში.

— რა ქარია ფუტმა დამიფსო თვალები, ველარაფერს ვერ ვხედავ, დავბერდი, ნენავ, დავბერდი.— თქვა მზეხამ. გაასწორა თავის საქსოვ წინდაში წინდის ჩხირები, დაიდვა გვერდით გრძელ ჯორკოზე, ამოიწმინდა აკრემლებული თვალები და გაუწოდა ხელები შეილიშვილს.

— მოი, ჩემო ბებიავ, ჩემთან, მოდი, ჩემო ნენავ?

— არა, ქრისტინესკენ იწვეს,— თქვა სიცილით კოწიამ და მიუშვირა ცოლს გაცინებული მსუქანი ბავში, რომელიც ორივე ხელებით იწვედა დედისაკენ.

ქრისტინემ ოდნავ ამოიხხრა და ადგა.

— არ მცალთა, ვახშამი უნდა მევიკითხო,— თქვა მან.

— ოდაში დაანთე ცეცხლი და დაწვეთ აწე შით.— უთხრა მას მზეხამ: — დაზამთრდა აგია და რალას უცდით?

— შენ თუ დაწობი, ბატონო, კი დავანთებ,— მიუგო მან დედამთილს.

— აჰ, მე არა, მე არა ნენავ, ოდაში რა მინდა, აქანაი მირჩონია, რა მეოდება— გაიცინა მან.

— აბა ჩვენც აქანაი გვირჩონია და რალაიზა დავანთო? შეხედა მან ქმარს. ამოიწია კაბის კალთები, გაიმაგრა წელში, აიღო თუნგები და გავიდა გარეთ წყლის მოსატანათ. მზეხამ და კოწიამ გააყოლეს მას თვალები.

— არ უყვარს ქრისტინეს ოდა,— თქვა მზეხამ ცოტა სიჩუმის შემდეგ.

— ოდა ოდა და მაროიეს სიკედლის მერმე, აღარც აი ბალანაი უყვარს, ატყობ? ამოიხხრა კოწიამ.

— ნათვალეგია, ნათვალეგი, უმისობა არ იქნება: თვარა რაფერ დეილია აი მამალ მგელსავით ქალი, ხედავ, მარა მარჩიელთან რომ არ მომყობა, რა ვქნა? — მიუგო მზეხამ.

კოწიაც და მზეხაც მართალი იყვენ იმაში, რომ ქრისტინეს არ უყვარდა ბავში და იმაშიც, რომ ის ამ წლი-ნახევრის განმავლობაში ერთობ „დეილია“, ვახდა, მაგრამ „მაროიე“ აქ არაფერ შუაში იყო. მას სტანჯავდა ის, რომ ბავში იმ „საშინელ“ ღამიდან სწორედ ცხრა თვეზე დაიბადა და კიდევ ის, რომ ამ წლი-ნახევრის განმავლობაში მუდამ იმაზე ფიქრობდა, რომ ეთქვა ქმრისთვის ყველაფერი, მაგონა ჯერ აქამდის ვერ უთხრა და გრძნობდა, რომ მომავალში კიდევ უფრო გაუჭირდება გამხელა. „ახ აგი ოდა, აგი ოდა! ჩემი სულის ხორცმეტია, ჩემი სულის წითია“. იფიქრა მან, როცა გამოვიდა გარეთ და შეხედა ოდას.

ნინო ნაკაშიძისა.

\* \*

ენახე აჩრდილი კაცისა—  
ძვალ-ტყავი, ჩონჩხათ ქვეული,  
სხვისთვის ოფლისა დენაში  
სიკოცხლე გამოლენული!—  
ფერი მიხლოდა უბედურს,  
დალურჯებოდა სხეული,  
ზედ ადგა ჩრდილი სამარის,  
მისგანვე გამოწვეული;  
ღრმათ ჩასცვივნოდა თვალები—  
მისი ცხოვრების რვეული.

თავქვე დახრილი ვიდოდა  
უტოლ-უსწორო, ეული...

მწარეთ ჩაღრღნოდა კისერი  
უდიერ ქაბან-წყვეტითა,  
სხვა დადიოდა მისგან ქმნილ  
ცხოვრების „ნათლის სვეტითა“...  
ბრბო კი ამბობდა: „ტილო,  
თავბრუ დასხმულო რეტითა,  
სულელი იყავ, მისთვის ხვალ  
უკულმა მბრუნავ ბედითა,  
ახია შენზე, მაგ ჰკუამ  
მასე რომ გაგაბედიოა!...“  
მწყრალათ შეხედა იმან ბრბოს  
და ზიზლით მეტის-მეტითა...

ეჰ, ძმაო, ბედით ჩაგრულო,  
მრავალი ოფლი გდენია,—  
ცა საბნათ, მიწა ლეიბათ  
სანაცვლოთ შეგიძენია!..  
ერთი რამ განძი ძვირფასი—  
ამაყი გული გშენია...  
ზიზლსა გგვრის მხოლოდ ბრბოს სიტყვა,  
თუმც ძნელი დასათმენია!  
გულ-ქვაა, გულ-ქვა, ძმაო, ის,  
გულ-შავი, კბილთა მჩენია...  
შენს მწარე ხვედრზე მისი ხმა  
მწარევე განაჩენია!...

დ. თომაშვილი.

### √ ნაწყვეტები პოლიტიკური ეკონომიიდან

(საუბარი მკითხველთან)

I

#### ს ა ქ ო ნ ე ლ ა

პოლიტიკურ ეკონომიის თავი-და-თავი მიზანი არის გამოიკვლიოს ის პირობები, რომელშიც თანამედროვე ცხოვრება ვითარება, ხოლო თანამედროვე ცხოვრების დამახასიათებელ თვისებათ სსქნდის წარმოება უნდა ჩაითვალოს. მაშასადამე, ცხადია, ეკონომისტმა უპირველეს ყოვლისა ეს ძარღვი უნდა გასინჯოს, საქონლის ხასიათი უნდა გაიგოს, მისი გაჩენა-ვითარება გამოიკვლიოს. ამიტომ ჩვენც ამით უნდა დავიწყოთ, მკითხველო, ჩვენი საუბარი.

საქონელი!.. ვის არ გაუგონია ეს სიტყვა, რამდენჯერ ალბათ შენ თვითონ გითქვამს, ჩემო მკითხველო, მაგრამ შეიძლება ერთხელაც არ დაკითხებიხარ შენს თავს: რა არის საქონელი, როგორ ჩნდება იგი ქვეყნათ და ვინ არის მისი გამჩენი?! თუ არ შეკითხებიხარ ერთათ შევეკითხოთ და ჩემმა საუბარმა და შენმა ყურადღებამ შეიძლება ამ კითხვებზე პასუხი გამოგვირკვიოს. მაშ პირდაპირ საქმეს შევეუდგეთ.

ისეთ ნივთს, საგანს, რომელიც ადამიანისათვის გამოსადეგია ცხოვრებაში, ადამიანის რომელიმე მოთხოვნილებას აკმაყოფილებს, ერთი სიტყვით, რომელსაც ადამიანი რამეთ მოიხმარს, მოსახმარი ღირებულება აქვს. მაგ. პური, წყალი, სკამი, შალი, დარაია—ამათ ყველას მოსახმარი ღირებულება აქვს, რადგან ეს საგნები მოსახმარია ადამიანისათვის, ზოგი აუცილებელ საქროებასაც შეადგენს ცხოვრებაში. მაგრამ მიუხედავად იმისა, რომ ნივთი, საგანი მოსახმარია, ძალიან სასარგებლოც, შეიძლება იგი არაფერი არ ღირდეს, ყველა-

სათვის მუქათათ, უფასოთ ხელმისაწვდომი იყოს. მაგ. პური, ურომლისოთ სიცოცხლე შეუძლებელია, წყალი მდინარეში განა ამაში ვინმე ფულს იხდის? პურის შესუნთქვას ვინმე ვინმე გეუბნებათ: თქვენ ამდენი და ამდენი პური და ამდენი და ამდენი უნდა გადაიხადოთ?! არა. იმიტომ რომ ის არავის საკუთრებას არ შეადგენს, ის არავის გაუკეთებია, რომ შეეძლოს სთქვას: ეს ჩემი გაკეთებულია და ვერ დაგანებებთ. მდინარესთან რომ ყოფილხართ, განა ვისმესთვის გითხოვიათ: მომეცი ნება წყალი დაელოვო?! მხოლოდ იმავე მდინარის წყალი, რომელიც წყლის მზიდველს შენთვის სახლში მოუტანია, ფულათ ღირს, მასში ფასი მიგიცია. რატომ? იმიტომ რომ წყალი, რომელიც მდინარეში მუქათათ გეშოვებოდა, წყლის მზიდველმა რაოდენიმე მანძილზე გამოატარა და შინ მოგიტანა. წყლის მზიდველს უშრომნია და ამ შრომისათვის მას ფულს აძლევ. მაშასადამე ნივთს, საგანს, რომ ფასი მიეცეს, რამე ეღიროს, მაზე ადამიანის შრომა უნდა იყოს დახარჯული; ბუნების სიმდიდრე ხელშეუხებლათ, შრომის დაუხარჯავათ, არაფრათ არ ღირს, რადგან ის ყველასათვის ერთნაირათ ხელმისაწვდომია. მხოლოდ ისიც შესაძლებელია, მოსახმარი ღირებულება ე. ი. გამოსადეგი ნივთი შრომის ნაყოფი იყოს, იგი ადამიანის ხელით იყოს გაკეთებული, ხოლო ნაყიდი არ იყოს. ძველათ საქართველოში, როცა ბატონყმობა იყო, საქრო ნივთების შესაძენათ ჩვენს ბატონს ფული არა სჭირდა. ქაღი, პური, ღვინო, შალი, დარაია, წულამესტები, ფაფანაკი და სხვა ოჯახის საქროებაანი თვით ოჯახშივე კეთდებოდა ყმების შემწეობით; ყმები-ბატონის საკუთრება იყო და შრომის ფასათ ყმისათვის ისიც დიდ ჯილდოთ ჩაითვლებოდა, თუ ბატონი ყმას მოწყალე თვალით შეხედავდა, ნაშრომს არ დაუწუნებდა და „ბატონის მათრახს“ რამოდენიმე ხნით მაინც გადაურჩებოდა. ასე იყო ძველათ, „დალოცვილ დროში“. მაგრამ დროთა ბრუნვამ ბატონებიც შეაბრუნა, ყმები ჩამოაცალა, საქროება გაუორკვეცა; თავის მამულ-დედულით და „ბიჭებით“ გადიდებული ახალ მოთხოვნილებას ვეღარ იკმაყოფილებდა და საქრო შეიქნა მისი ოჯახიდან გადაღმა გადაბრძანება. ქალაქებში რალაც დიდი ზრიალ-ტრიალი გაჩენილიყო, „ახალ-მოდის“ ფარჩეულობა მალაზიების ფანჯრებიდან თვალებს უბრქვეიალებდა რეტ დასხულ ვაჟბატონს; მან გაისევა ჯიბეს ხელი, აქაო და ამ ვილაც მოთრეულ ტიკიტომრავებს არ ჩამოეუარდევო, გაყიდული მამულიდან აღებული ბრქვეიალა ოქრო მედიდურათ გადაუგდო „მედუქნეს“ და საჩოხე შალი წამოიღო. „დახე ამ ჩვენს ქვეყანას, როგორ გამოცვლილა!“ წინეთ სახლში მუქათათ უმზადებდენ, დღეს კი გარეთ ფულს ახდევინებენ. მერე იცით ვინ არის ეს „მედუქნე“? ეს ის ივანიკაა, რომლის დედა ბატონს კაი-კაი საჩოხე შალებს უკეთებდა, დღეს ეს ივანიკა იმნაირ შალში იმავე ბატონის შვილს ფულს ახდევინებს. წინეთ თუ ივანიკას ოჯახში შალს აკეთებდენ იმიტომ, რომ ბატონისათვის „სასახლეში“ საჩოხეთ მიერთმიათ, დღეს აკეთებენ ბაზარში გამოსატანათ, გასაყიდათ. ამ შალს წინეთაც და ახლაც მოსახმარი ღირებულება ჰქონდა და აქვს ე. ი. იგი ადამიანისათვის გამოსადეგი იყო და არის, მხოლოდ ეხლა კიდევ რალაც ახალი თვისება შეუძენია. რა თვისებაა ეს თვისება, ან როგორ შეიძინა იგი? რისთვის ჩამოუტანიათ ქალაქში შალი? სხვა რამეზე გასაცვლელათ. მაშასადამე დღემდე თუ ბატონის ანუ თავის ოჯახის სახმარებლათ აკეთებდენ, დღეს ოჯახს გადაღმა გასაცვლელათ მზადდება და მისი პირადათ მოხმარება სრულიად მხედველობაში არა აქვს მის ბატონს. დღემდე ბატონისთვის საინტერესო იყო შალის მხოლოდ მოსახმარი ღირსება ე. ი. რამდენათ კარგათ, გამოსადეგათ იყო იგი გაკეთებული, დღეს კი მას იგი იმდენათ ებრტნავება, რამდენათ ეს

83

სხვისთვის საქიროა, გასაცვლელათ აუცილებელია. დღეიდგან მისი შალი ისეთ ნივთათ გადაიქცა, რომელიც გასაცვლელათ არის დამზადებული; ასეთ ნივთს ქვია საქონელი. სანამ პატრონი თავის პირადი მოთხოვნების დასაკმაყოფრებლათ ამზადდება შალს და თვითვე გაიხმარდა, ეს შალი საქონელი იყო, მხოლოდ როცა დანიშნულება შეუცვალა და ბაზრისკენ აქნევინა თავი გასაცვლელათ, შალი საქონლათ გადაიქცა. ამ ნაირათ საქონელი არის ისეთი ნივთი, რომელიც გასაცვლელათ არის დამზადებული. ეხლა, მკითხველო, ჩვენ ვიცით რა არის საქონელი და ჩვენთვის ეხლა ისიც ცხადია, რომ შესაძლებელი ყოფილა ნივთს მოსახმარი ღირებულება ჰქონდეს, ხოლო საქონელი კი არ იყოს; ისეთი საქონელი კი, რომელსაც მოსახმარი ღირებულება არა აქვს, წარმოუდგენელია, შეუძლებელია. საქონელი ხომ უნდა გასაღდეს; აბა ვინ იქნება ისეთი ხებრე, რომელიც მოისურვებს გამოუღდგარი, სახმარათ უფარგისი ნივთის შექმნას: შეიძლება ასეთი გიყი მოიპოვებოდეს, მხოლოდ საქონლის გაკეთება იმ მოსაზრებით, რომ გიყებთან გვასაღებო, ვერ არის რიგიანი ანგარიში და ცხოვრებაში ასე არ ხდება. ამიტომ საქონელს უთუოთ უნდა ჰქონდეს მოსახმარი ღირებულება. მაშ რა ახალი თვისება ემატება ნივთს გარდა იმისა, რომ იგი გასაცვლელათ მზადდება? არაფერი, მხოლოდ ამ ახალ დანიშნულებაშია მისი განმსხვავებული თვისება; შევდგეთ აქ და გამოვარკვიოთ. რა რომ მოსახმარი ღირებულება გასაცვლელათ დამზადდება ნივთს საცვლელადი დიკუბუა შეეძინება; ამიტომ ყოველ საქონელს საცვლელი ღირებულება აქვს. როდესაც ორი ნივთი გასაცვლელათ გამოაქვთ, მათი პატრონები ერთმანეთის ნივთს ათვალთვალდებენ, ანგარიშობენ, ადარებენ ერთი მეორეს და მერმე სცლიან: ამდენათ ღირს ჩემი ნივთი და ამდენათ შენიო, ეუბნებიან ისინი ერთმანეთს. რით ხელმძღვანელობენ ამ ანგარიშის დროს? საქიროებითო, შეიძლება მიპასუხო, ჩემო მკითხველო. ვის რა უფრო ჰქონია, მისთვისის ნივთი უფრო ძვირათ ღირსო, განმარტავ შენ. მე ვერ ვეთანხმები შენს აზრს და აი რატომ: ყველასათვის პური უფრო საქიროა ოქროს საათზე, მაგრამ ვინ იქნება ისეთი გულ-უბრყვილო ერთ ბათმან პურში ას მანეთიანი საათი გასცვალოს; პურიც იმდენი უნდა იყოს, რომ ას მანეთათ ღირდეს და მით საათის ღირებულებას შეეფერებოდეს. ამიტომ საქიროა ვიცოდეთ რით განიზომება პურისა და საათის ღირებულება, რით ხელმძღვანელობენ ცვლის დროს მათი პატრონები. როგორც მოსახმარი ღირებულების ღვინისა და ჩექმის, კიტრისა და ქუდის შედარება შეუძლებელია; მათ არაფერი საერთო არა აქვთ. მხოლოდ ამისთანა საგნების ერთმანეთზე გაცვლა შეიძლება, მათი როგორც საცვლელი ღირებულების შედარება და ხდება კიდევ ასეთი შედარება. მკითხველო, ჩვენ თამამათ შეგვიძლია აქიდან დავასკვნათ, რომ ამ ნივთების საცვლელ ღირებულებას საერთო, შესადარებელი რამ ჰქონიათ. რა არის ეს საერთო? რა აქვს საერთო საზოგადო შალს, ჩექმებს და საათს გარდა იმისა, რომ ესენი ყველა მოსახმარია ადამიანისათვის? მათ აქვთ ერთი საერთო თვისება— ყველა ისინი ადამიანის შრომის ნაყოფია, ადამიანის გაკეთებულია. ეს საზოგადო ადამიანის შრომა, უბრალო ფიზიოლოგიური პროცესი, რომელსაც შეუქმნია სხვა-და-სხვა საქონლები, არის მათი საერთო თვისება, მათი შემადარებელი საბუთი. მოსახმარ ღირებულებას მითომ შეუძლია საცვლელ ღირებულებათ გახდეს ე. ი. საქონლათ იქცეს, რომ იგი არის ადამიანის შრომის ნაყოფი და ამ სახით ერთს საქონელს მეორეს დაუპირდაპირებენ.

უეჭველია ამ შრომის რაოდენობაა გაცვლის დროს პატრონისთვის ანგარიშის დროს სახელმძღვანელო. რამდენი შრომა დაიხარჯა ჩემს საქონელში— ამდენი; მის საქონელში

კი ამდენიო, ამბობს ის. რით გაიზომება თუ რამდენი შრომაა დახარჯული ამა და ამ საქონლის გაკეთებაშიო, ეხლა რომ გკითხოს, მკითხველო, ვინმემ, შენ დაუყონძლიო მოსაზრებ: იმ დროით რომელიც ამ საქონლის გაკეთებას მოხდომია... დრო კი წლობით, თვით, საათით, წამით, წუთით განიზომება. მაშ რომელ საქონელსაც მეტი დრო მოხდომია მუშაობის დროს, იმ საქონლის საცვლელი ღირებულება, ფასიც მეტი იქნება, უეჭველია. მაგრამ ეხლავე გატყობ, მკითხველო, რომ ენაზე ერთი შენიშვნა გადგია. შენი სიტყვითო, მეუბნები შენ, ზარმაცის გაკეთებული საქონელი უფრო მეტი ეღირება, რადგან ზარმაცი მეტ ხანს მოხდომებს მუშაობას, ვიდრე საქიროა. სხვა რომ ერთ საათში გააკეთებს ის ორ საათს მოხდომებს.

მასე თუა ყველა გაზარმაცდება იმ მოსაზრებით, რომ ძალ დაუტანებლათ ხან გამოშვებით ვიმუშავებ, მეტსაც ავიღებ და ნაკლებათაც დავიღებებო. არა, მეგობარო, შენი შენიშვნა უმართლოა. შენს საპასუხოთ აი რა მაქვს მე სათქმელი: ზარმაცმა რომ ხუთი დღის მუშაობა მოხდომოს იმას, რაც მეორეს ერთ დღეს გაუკეთებია და მისდა შესადარათ ხუთი მანეთი მოგვთხოვოვოს საქონელში, უეჭველია შენ მისგან საქონელს არ იყიდი და მიმართავ იმას, ვისაც იმნაირათვე საქონელი ერთ დღეს გაუკეთებია და ამიტომ ხუთჯერ ნაკლებს გამოგართმევს ე. ი. ერთ მანეთს. მაშასადამე ამ საქონლის ფასი იქნება ერთი მანეთი და არა ხუთი. რომ შეიძლებოდეს იმავე საქონლის ნახევარ დღეში გაკეთება, მაშინ კიდევ უფრო ნაკლები ეღირება—ათი შაური. ამნაირათ საქონელს დიკუბუას რა დენობა დამოკიდებულია იმ დროზე, რამედიც აუცილებლათ საჭიროა ამა და ამ დროს ამა და ამ საზოგადოებაში ამ საქონლის გასაკეთებლათ. ამის და მიხედვით საცვლელმა ღირებულებამ შეიძლება დაიკლოს, თუ საქონლის გაკეთებას ნაკლები სამუშაო დრო უნდება და მოიმატოს, თუ მის გაკეთებას მეტი შრომის დახარჯვა სჭირდება. გავიმეოროთ მოკლეთ: ყოველ ნივთს, რომელიც მოსახმარათ გამოდგება აქვს მოსახმარი ღირებულება; ასეთი მოსახმარი ნივთი, რომელიც გასაცვლელათ მზადდება არის საქონელი; ამიტომ ყოველ საქონელს აქვს საცვლელი ღირებულება. საცვლელი ღირებულების წყარო არის ადამიანის შრომა. ღირებულება განიზომება ამ შრომის რაოდენობით. ეხლა ჩვენ შეგვიძლია შემდეგისთვის გავითვალისწინოთ საქონლის გაცვლა-გამოცვლის პროცესიც.

ა. წულუკიძე.

ჩვენებური უკუღმართობა

ვილაც მწირს მესამოცეთაგანს მოსვენებას არ აძლევს ერთგვარი მიმართულება, რომელმაც ამ უკანასკნელ წლებში შესამჩნევი გავლენა მოიპოვა როგორც მწერლობაში, ისე ცხოვრებაშიაც. ამას წინეთ ამ ვაქებატონმა დაბეჭდა გაზეთ „ივერიაში“ (იხ. № 184) ერთი დიდი წერილი, სათაურით: „ანბანური ქვეშარიტება“, რომელიც საესეა ლოღიკური ნახტომებით, თავისი თავის ქებით და „ჩვენებურ მარქსელების“ ლანძღვა-თრევით და ცილისწამებით.

ამ ბოლო დროს ჩვენ ერთობ დავეჩვიეთ მეტათ უდიერ მოქცევას ზოგიერთ უნიქო მწერალთაგან, და ამიტომ ბ-ნ მწირ-მესამოცეთაგანის ლანძღვა-გინებას ჩვენ სულ უყურადღებოთ დავტოვებდით, მაგრამ აქ არის ორი ისეთი გარემოება, რომელმაც კალამი აგვადებინა ხელში საპასუხოთ. ერთი ისა, რომ ბ. მწირი-მესამოცეთაგანი ლაპარაკბს იმნაირი კილოთი, რომ იგი დიდი ხნის დამსახურებული და ღვაწლმოსილი პირი უნდა იყოს ჩვენს მწერლობასა და საზოგადოებაში, ასე რომ

სამშობლოს სამსახურის დროს „მის თავზე წისკვილის ქვაც კი დატრიალებულა“, თორემ სხვა განსაცდელს ვინღა ამბობს. ასეთი ღვაწლ-მოსილი გვაში, რომელიც ერთ დროს „ელვა-ქექვას არ შეშინებია და გრიგალ-ქარიშხალს არ გაქცევია“, დღეს თურმე შევიწროვებულია ზოგიერთ ახალგაზდათა მოქმედების წყალობით, და ეს შევიწროება იმ ზომამდე მისულა, რომ მსკოვან მოღვაწეს თურმე აღარც საფასი აქვს აღარც საფარი და აღარც იარაღი, რომ თავის გულისნადები წარმოთქვას, და იძულებული გახდარა „იგავებათ გვიგოს ხოლმე პასუხი“. როგორც ხედავთ მდგომარეობა მეტათ საბრალოა და ღირსი თანაგრძნობისა. თავიანთ გაბედული მოქმედებით ახალგაზდა მოღვაწეთ ნამდვილი შიშის ზარი დაუციათ ბ-ნ მწირი-მესამოცეთაგანისთვის, მაგრამ ამ დროს მას გაუხსენებია ძველი „საქმენი საგმირონი“ და გადაუწყვეტია: „შიშით ვერც ჩვენ ჩავიგუებთ პირში წყალს და ვიტყვი, რამდენათაც კი მოსახერხებელია თქმაო“. მეორე გარემოება, რომელმაც ჩვენ კალამი აგვალბებია ხელში ბ. მწირის საწინააღმდეგოთ ის არის, რომ შემპარავი ძალდი უფრო საშიშია, ვინემ ის, რომელიც ყვეით და ხმაურობით მოგაშურებთ. ბ. მწირი-მესამოცეთაგანიც ისე გვაჩვენებს თავს, რომ იგი ვითომც დიდი მოსარჩლეა დაჩაგრულ ხალხის და თითქმის მეგობარიც მის მიერ ათვალწუნებული პირების, რომელთაც „ბევრი სიმართლე უჭირავთ ხელში“; მას სურს ვითომ მათი დარიგება და უფრო სწორ გზაზე დაყენება. მაგრამ ჩვენ კარგათ გვესმის ბ. მწირის ხერხი: თუ ერთი იგი გვექალაქუნება და გველაქუცება, საქმით ორ-მოს გვითხრის. ეს გვესურს ჩვენ ვაცოდინოთ ქალაქუნობით და შემპარაობით მოლაპარაკეს.

რაც შეეხება თვით წერილს ჩვენ სწორეთ გვეძნელება იმაზე პასუხის გაცემა, რადგანაც იგი თავიდან ბოლომდე იგავ-არაკებით არის გავსებული, და არც იცი რომელ ერთს გასცე პასუხი. გარდა ამისა ავტორი, ვინ იცის, რას არ ეხება ამ ერთ წერილში: ბერძნების სიბრძნე ვინდათ, თუ თვით ავტორის და მესამოცე წლების მოღვაწეთა ამაგი, წარსული ცხოვრება, ბანკები, მაგრამ ყველაზე უფრო კი „ჩვენებური მარქსელები“,—ერთი სიტყვით ყველაფერზეა ლაპარაკი, მაგრამ ისე კი რომ ყოველსავე ამას ერთმანეთშორის არავითარი კავშირი არა აქვს და ნამდვილი ბაბილონის არევის მოგაგონებთ. ჩვენის აზრით ყველაზე უფრო ცუდს შთაბეჭდილებას ახდენს მკითხველზე ის გარემოება, რომ ბ. მწირი მესამოცეთაგანი გატაცებულია თავისი წარსული ღვაწლით და ამავით სამშობლოს წინაშე და სწუხს იმიტომ, რომ მას ჯეროვნათ ვერ აფასებენ. ჩვენ არ ვიცით, თუ ჭინ ბრძანდება ბ. მწირი მესამოცეთაგანი და ამიტომ არც იმის განსჯა შეგვიძლია, თუ რამდენათ მართალია მისი ასეთი შეხედულება. არც ის ვიცით, თუ რათ დაირქვა მან მწირი, როცა ასეთი სახელწოდება სრულებით არ შეფერის მის ხასიათს. აბა ერთი განსინჯეთ, განა ეს მწირის ენაა: „ამ ნახევარი საუკუნის განმავლობაში, — მოგვითხრობს ბ. მწირი-მესამოცეთაგანი, — ცოტა გვინახავს დარი, უფრო მეტი ავდრიანი დღე გვდგომია, მაგრამ გავვიძლია: ელვა-ქექვის ისე არ შეგვშინებია, გრიგალ-ქარიშხალს არ გაქცევით და სეტყვის დროს თავი სხვაგან არსად შეგვიფარებია. ყველა ავტირანიაო“. ან: „ვისაც არა გადახდომია-რა, ის რას დაეძებს? მაგრამ, აბა ახლა, ერთი მესამოცე წლების მოღვაწეებსაც კი ახლი... მე ვამბობ აქ იმ თითო-ორიოლა ნამდვილ მშრომლებზე, რომელთაც კიდევ დაეტყოთ, რომ მათ თავზე წისკვილის ქვას უტრიალია, და არა იმ გუგულა მამულიშვილებზე, ჩვენს საბუღარში რომ მხოლოთ თავის გამოსაჩენათ ხანდახან უკაცნიათ და კვერცხი კი სხვის საბუღარში უდვითოო“. ამის წაკითხვაზე ვის არ გაახსენდება

იგავი მეზვერეზე და ფარისეველზე: ფარისეველი იგი წარსული და ამას ილოცავდა თვისაგან: „გმაღლობ შენ უფლო, რამეთუ მე არა ვარ ვითარცა სხვა კაცნი, მტკიცე ვიქნე და მემრუშეო“... თუ მართლა ცრუ მწირი იყო, რას ჩვენს ავტორი, იმას უქვევლათ არ დაავიწყდებოდა სახარებისავე სიტყვები: „ნეტარ იყვენ მშვიდნი, რამეთუ მათ დაიმკვიდრონ ქვეყანა“. ყველაზე უფრო გასაკვირველი აქ ის არის, რომ ბ. მწირი-მესამოცეთაგანი დიდი მცოდნე უნდა იყვეს ხალხური ანდაზებისა, ვინაიდან მისი წერილი გავსებულია ამითი, და იმავე დროს ერთი ყველაზე უფრო გავრცელებული ანდაზა კი დავიწყებია, სახელდობ: თავის ქება კიტრათ ღირსო. ასეთ უხერხულ და გამოუდევარ ოინს ბ. მწირმა მიმართა ალბათ იმიტომ, რომ მკითხველებზე გავლენა მოეხდინა და მისი ნათქვამი ანბანურ ტეშმარტებათ მიეღოთ: აი, მე ვინა ვარ, აი, მე რა განსაცდელი ამიტანია სამშობლოს გულისათვის, რა ღვაწლი მიმიძღვის მის წინაშეო; უბრალო ვინმე არ გვეგონოთ, ამიტომ ჩემი ნათქვამი დაიჯერეთო. მაგრამ კოკა ყოველთვის წყალს არ მოიტანს, დღეს საზოგადოებას სიტყვების სროლით ვეღარ მოატყუებ. ახლა დავანებოთ თავი ამ თავისებური მწირის ზნეობრივ ფიზიონომიას და განვიხილოთ მისი გონებრივი ავლადიდება, თუ რა ლიტერატურული საგძალით გამოდის იგი დღეს მწერლობის ასპარეზზე. ბ. მწირი ასე იწყებს თავის წერილს:

„ბერძნების წარმოდგენით, სიბრძნე იყო დედა, რომელსაც ეყოლა სამი ასული: სარწმუნოება, სასოება და სიყვარული. უამათოთ, ამათ დაუხმარებლათ ქვეყნიური შვებბედნიერება შეუძლებელი იყო და ამიტომაც ყველა მათკენ მიისწრაფოდა... ერთ დროს, ოდესმე ქართველებსაც ჰქონდათ ეს სიბრძნე ეროვნულათ შესისხლხორცებული, მაგრამ დღეს კი, როდესაც ზედა-პირი სარჩულათ მოგვექცა და სარჩული გავგიზედაპირდა, ბერძნებისაგან ჩვენ მიერ მიღებული ალფეგორიაც გადაგვიუკუღმართდა: სიბრძნის ადგილი უმეცრებამ დაიჭირა და წარმოშობა, უსასოება და სიძულვილიო“.

ამ ნაირათ ბ. მწირი-მესამოცეთაგანი ამტკიცებს: ძველ დროში ხალხთა შორის გამეფებულ იყო სიბრძნე, ე. ი. სარწმუნოება, სასოება და სიყვარული; დღეს კი სიბრძნის ადგილი დაიჭირა უმეცრებამ, რომელმაც წარმოშობა: უსარწმუნოება, უსასოება და სიძულვილი, ე. ი. დღეს სიბრძნის მაგივრათ უმეცრებაა, სარწმუნოების მაგივრათ—ურწმუნოება, სასოების მაგივრათ—უსასოება და უიმედობა და სიყვარულის მაგივრათ—სიძულვილი. აქედან თავის თავათ იგულისხმება ასეთი დასკვნა: ძველი დრო ბევრათ მაღლა იდგა ახლანდელზე. ეს არის ბ. მწირის მთელი ფილოსოფიის ქვაკუთხედი; ამას იგი ვერასოდეს ვერ გასცილებია და ვერც გასცილდება. სამწუხაროთ, ასეთი შეხედულება მოკლებულია ყოველგვარ გონივრულ მოსაზრებას, ისტორიას რომ თავი დავანებოთ. და მართლაც რომელი ტკუაში მყოფელი ადამიანი იტყვის დღეს, რომ უწინდელ დროში ხალხთა შორის დამკვიდრებული იყო სიბრძნე, ე. ი. სიყვარული და სასოება, დღეს კი ამის ადგილი დაიჭირა უმეცრებამ, უიმედობამ და სიძულვილმა. ისტორია ხომ ასეთ შეხედულებას საგსებით უარყოფს. შეიძლება ბ. მწირმა (სიტყვის შესამოკლებლათ ვუწოდოთ ჩვენს ავტორს მარტო მწირი) ჩვენ გვისაყვედუროს, რომ ვითომც ჩვენ ვერ გავიგეთ მისი სიტყვები, ვინაიდან იგი ალფეგორიით, იგავებით, ლაპარაკობს ხოლმე; შეიძლება ამასთანავე მან აგვიხსნას, რომ მას აქ მხედველობაში მხოლოთ საქართველო აქვს, მარტო ქართველი ხალხი. მაგრამ ამას სულ არ ამართლებს ჩვენი წარსული ცხოვრება. განა ჩვენი ხალხი დღეს უმეცარია და ძველათ ბრძენი და მეცნიერი იყო? განა ჩვენში წინეთ მარტო სიყვარულს ჰქონდა ადგილი და დღეს კი მხოლოთ სი-

ძულვილს ვხედავთ გამეფებულს? აიღეთ და წაიკითხეთ ჩვენი ისტორია, გაცნობთ „ქართლის ცხოვრებას“, უძველეს წყაროს ჩვენი წარსული ცხოვრებისა და თქვენ ნათლათ დაინახავთ, თუ რა უმეცარი იყო ძველათ ჩვენი ხალხი, თუ რა გაუთავებელ და შეუწყვეტელ შფოთს და სიძულვილს ჰქონდა ალაგი მასში. მაგრამ ამისთვის რა საქიროა შორს წასვლა, როცა თვით ბ. მწირი აი რას ამბობს თავისავე წერილში. „ციხე შიგნიდან გატყდებოდა, საქართველოც გვართა ბრძოლამ დაამხო... საქართველოს გმირები მტერს უფრო გამოადგებოდნენ ხოლმე, ვიდრე მოყვარეს... ისინი პირიქით მირობოდნენ მტრის მოსაყვანათ. ვიღველეთ, პირადათ ნუ გვაქმევთ სირცხვილს და ჩემს სამწყსოს გინდ მუსრი გაავლეთო“. რა იყო ამის მიზეზი? — კითხულობს ბ. მწირი და თითონვე იძლევა პასუხს: „გვართა ბრძოლის გამომწვევი შურა და სიხარბეა?“\*) ნუ თუ ეს სიბრძნის, სიყვარულის და სასოების ნიშანია, რომლებიც „ერთ დროს ეროვნულათ შესისხლ-ხორცებული ჰქონდათ ქართველებს“ ბ. მწირის სიტყვით? რით აიხსნება ასეთი აშკარა ლოლიკური წინააღმდეგობა ბ. მწირის მსჯელობაში? ჩვენი აზრით, ასეთი ლოლიკური ნახტომის ასაცდენათ არ იყო საქირო არც დიდი ცოდნა, და არც დიდი სიბრძნე; ამისთვის კმარადა მხოლოდ საღი გონება და დაღვრებით მოტიკება. სამწუხაროა, როცა ასეთი ადამიანი მეთაურობას კისრულობს, ხალხის მასწავლებლათ გამოდის, სხვებს წამებს „სულწასულობას“, სხვებს უკიუნიებს „ლოლიკისა და სიბართლის მხრით წათფორხილებას“ და სხ. აქედან აშკარაა, თუ რა ღირსება და ფასი უნდა ჰქონდეს ამნაირი პუბლიცისტების აზრსა და მსჯელობას საზოგადოებისათვის.

ბ. მარილაძე.

(დასასრული იქნება)

**წარღვილი რედაქციის მიმართ.**

ბატონო რედაქტორო!

უმთრნილესა გთხვავთ, ნება გვიბოძათ, რომ თქვენის გაზეთის საშუალებით მოგახსენო ბატონებო მკითხველებს ის არა სასამართლო განკითხვები, რომლებიც გამოირკვა, ბატონებო თქვენის გაზეთის კორესპონდენტის წერილის შემდეგ, (იხ. „სპალი“ მე-23 №-ში) შესახებ სულაერ მამის საჩივრისა:

როგორც ამ კორესპონდენტიდან ვიცით, სოფ. დივის საზოგადოების მდივანს უწმ. სინადის განკარგულებით 400 მან. წლიურ ჯამაგინათ დანიშნის შემდეგ, მრევლმა უარი გამოუცხადა მათზე გაწესებულ საჯამაგინო ფულების ძღვევაზე:

ძალზე ხარხარათ მყოფი, ხელში კამბალით მიეჭრებოდა სახლში რომელიმე თავის მრევლთაგანს და თუ ვერ დაკმაყოფილებდა ფულათ, ყოველივე ხარხარ-საბადებელს თითქმის სახუდარზე მუდომ კრუხსაც სტაცებდა\*\*) და თუ ის კრინტს დასძრავდა მის წინააღმდეგ მაშინ თავის დანიერი მკლავით შავ დღეს დააყენებდა. მახლას, სულაერო მამავ, — მახლას!..

მდივანის ასეთმა საქციელმა შეაზიზადა მრევლს თავის სულიერი მამა და მრევლმა მიმართა თხოვნათ სიდაც ჯერ არს, რომ გამოძიება მოეხდინათ და მისი უკუდამართებისათვის კახანიერი

\*) ხაზს ყველგან ჩვენ ვუსვამთ.

\*\*) ამავე სიტყვით ასურათებდა მოწმეთ დანიშნული ნაფიცი ვიქილი ბ-ნი ვ. მაჩაბელი საქმის გარჩევის დღეს თავის ჩვენებაში დივის მდივანის სასტიკ და ბარბაროსულ საქციელს თავის მრევლისადმი. — საქმე გადაიდო განაჩენის გამოსაცხადებლათ. — ავტ.

მსჯავრი დაედო... ამ განკითხვამ გააბრაზა მდივანი და მის მრევლის დასამშვიდებლათ ადგილობრივ მოსამართლესთან უნივერსიტეტს 1456 მან. რამდენი შეადგენს შვიდი მან. მრევლს ჯამაგინს და თან ესეი განკითხვას: მომისტრის უკუდამართება მრევლი საჩივრები და მაშინ მეც განაკითხებო. და მოკინიკდებით მინიკ რამესეი ამ საჩივრის წარმოება მდივანს ერთ სომეს უდენტ ბ — ეს მაინდო და ამ უკანასკნელმა, კარდა ვექილობისა, შინაურული ხელშეკრულობის წერილიც ჩამოართვა, რომლითაც მან ხელი აადებინა მის შემდეგ უფლებებს: ერთი რომ მდივანის სურვილისამებრ არ იქნეს დათხოვნა ვექილობისაგან და მეორეთ მასდა უხებუნათ მდივანს არავითარი უფლება არ აქვს მორიგების, ან სრულებით ბატონისა, წინააღმდეგ შემთხვევაში მდივანი ვადდებოდა თავის ვექილ ბ — ნცს 300 მან. ჯამაგინ უხდეს და სხ...

დღეს თუმც მდივანი მზათ არის, სასამ განახენს გამოუცხადებენ, მრევლს ცნ თუშნათ მოურაგდეს, \*) იმ პირობით, რომ მის შესახებ ადრული საჩივრები მოუხზონ, მაგრამ ვექილი უქადის, ცნდა ათ თუშნს ჯამამს გადაგანდევინებო. ამ ნაჩათ, თავი რომ დაახწიოს მრევლის საჩივრებს და ვექილიც თავიდან მოშორდეს, მდივანი იძულებულია მრევლისგან ასადებ ცნ თუშნს მიუმატოს თავის საკუთარი ჯამადან კიდევ ათი თუშნიც და თავის ვექილს ხელში ჩაუყაროს, ეს ვექილი ბ — ნცი დახელაგნებოდა ჯამამის ადებსი და ისე ფულად შეუდგამს სასამართლოში, რომ 30 თუშანი არ აედოს. მარა განსაკუთრებით ჯამამების სისტემა მთსწონს. ასეთ ვექილს ჩაუყარა თვითონ მდივანიც ხელში. ასეა საქმის მდგომარეობა.

დამსწრე.

\*) ჩვენ შევიტყვევო, რომ მრევლი თანხმდება 200 მან. ვადახლას და შემდეგ შიაც პირდება მდივანს ყოველ წლიურათ აქლიოს ჯამაგინები. ერთი იმედი გვაქვს ბ-ნ ნაფიცი ვექილ ვ. მაჩაბლისა, რომ ის ამ საქმეში ერთხელვე მონაწილეობის მიღების შემდეგ მომავალშიაც მიიღებს მხურვალე მონაწილეობას და საზოგადოებებს ახდის ამ არა საველდებულ უღელს, რომელშიაც თვალ-ახვეულნი თავის-და-თავათ იბამენ თავს. — ავტ.

დრ. რედაქტორი გამომცემელი  
 ნ. ი. ალაღსაევ-მესხიევი ახ. მ. თ.-წერეთლისა.

**განსჯადებიანი**

**მსწრათლო მბეჭდავი**

**სტამბა**

**ექვთიმე ივ. ხელაძისა**

რომელიც იმყოფება რუსის ბაზარში, (იარპუკაში) სომხების სასულიერო სემინარიის სახლებში;

იღებს ეველანანი სბეჭდავ საქმეებს, როგორც რუსულს და ქართულს, აგრეთვე უცხო ენებსედაც.

სტამბის აქვს დამზადებული საფაბრიკო ინსტრუქციისაგან ახალი შემოღებული ყველა დავთრები და წიგნაკები, აგრეთვე პოლიციის და ბოქაულების დავთრები.

ფასი ეველასათვის ხელმისაწვდომია.